

南明泉和尚頌證道歌事實卷第一

泉和尚

續燈錄云蔣山佛慧禪師諱法泉姓時氏隋縣人也少嘗儒業才器明敏長依龍居山智門院信記禪師出家記預夢法堂泉湧翌日師至因而名之後習經業遠造雲居聘禪師法席因示二椀禮拜因緣擬答次騰按其口從茲頓悟初住大明次住千頃雲居南明蔣山五刹

玄覺大師

高僧一

琪和尚註序云永嘉真覺大師心祖席之云人也法諱玄覺少而落彩旛敏頌異始看習天台智者教觀即充漢同時也於是遍歷諸肆參尋知識忽一日因覽涅槃大經洞明法旨即往曹溪六祖印可祖歎其深證即時遠然告歸祖小留一宿故号為一宿覺焉則以所證法門發言為歌以警未悟師復預期冥感即時定中觀見字字化作金色滿虛空界自後天下叢林無不知也諸方老人或註或頌以至梵僧傳歸予之翻譯受持若非深契佛心其孰能與於此哉

并序

永嘉集注云序者緒也如墨得緒緒盡一墨之絲茲集得序序盡一集之序 刊正錄云夫所謂序者蓋申明理義前後使不失其次也

變念付囑

金剛經如來善變念諸菩薩皆付為諸菩薩注云菩薩者道心衆生也世尊說法善教諸人不起妄想即是變念也念念不令退失即是付囑不虞

易離卦注云離者麗也日月麗乎天百穀草木

高僧一

二

麗乎地

前崇不來

華嚴經云佛子真如前際不生後際不動現在不起如來行亦如是不生不動不起 法名云我觀如來前際不來後際不去今即無住

證道歌

琪注云從緣悟入之謂證千聖履踐之謂道吟誦其道之謂歌故曰證道歌也或云無修無證者乃諸散聖助佛揚化已於往昔證道不復更證辭如出礦黃金不復為礦即實公萬回寒山拾

得高頭。他傳大士等是也。既有此證。須求師印。可方自得。名為證。自威音王佛已前。即可自威音王佛已後。無師自悟。盡屬天然。外道是故。二十五大士所證。圓通從佛。所證善財。五十三位。知識。從知識。所證。乃至西天。此士諸位。祖師。迨相序。證所謂佛。佛授手。祖祖相傳也。大師因看淨慧大經。悟入。往曹溪。六祖。可師到。日直。祖坐次。遶禪床。三匝。振錫。一下。卓然而立。祖曰。天沙門者。具三千威儀。八萬細行。行行無虧。大德從何方而來。生大我慢。師曰。生死事大。無常迅速。

高麗一

三

祖曰。何不倅取。無生了無。速乎。師曰。倅即無生了。本無速。祖曰。如是如是。須臾。禮辭。祖曰。返人速乎。師曰。本自非動。豈有速耶。祖曰。誰知非動。師曰。仁者自生。分別。祖曰。汝甚得无生意。元師曰。无生豈有意。祖曰。若無意。誰生分別。師曰。分別亦非意。祖歎曰。善哉善哉。既蒙予可。方得名為證也。實非諸位小乘天魔外道。未得謂得。未證謂證。古德云。世間文字。法師暗證。禪人為佛。法大憲。誠可羨哉。今所證者。則異於是。即無生法忍也。此之大定。具足眾法。一正宗。非異證二。

圓契非空證三。究竟不異。證四。設利下濟。證五。道田法爾。證六。了義非偏。證故得名為證也。然雖如是。猶涉義路。分別。譬如有人。擬空為線。欲其成就。徒廢精神。若是本分。衲僧。瞬後。眼開。當自知矣。

涅槃至親屬

涅槃經云。我今所有無二正法。悉以付囑摩訶

迦葉

金色頭陀

付法藏傳云。嘗於久遠劫中。毗婆尸佛涅槃後。

事寶一

四

四眾起塔。塔中像面。上金色。有缺壞者。有貧女採金珠。往金師所。請飾佛面。既而共發誓願。願我二人。為無姻夫妻。由是因緣。九十一劫。身皆金色。祖庭云。頭陀。梵語。此云。抖擻。抖擻。煩惱。

君不見

璣注。君之一字。拍次之。碎於斯。焉得。恐持門閉。親見祖師。衣來。面目。百千三昧。無量如義。皆從此人。所以善財。參見眾。敬。善。言。我常。唱。此。字。母。入。般。若。波。羅。密。門。則。知。一。字。法。門。海。畢。書。而。不。盡。也。於。此。不。明。設。使。辭。同。矣。轉。辯。瀉。懸。河。翻。

被文字語言波浪無有了時日來月往翰墨靈興歲久時長編卷山積究懷永歎同弗長究心地法門遠之遠矣古德云學道先須有悟由還如曾聞使龍舟雖然舊開閉田地一度贏來方始休以此而推須有發明悟入始得故云最初一句同道方知

曹溪

室林傳唐饒鳳中居人曹叔良施地六祖六師居之地有雙峰大溪因曹侯之姓曰曹溪

絕學無為閑道人

事實一

三

琪注絕學字者絕世間之學學無為之字也世間之學非出離故也無為學字者非小乘有為入大乘無為也小乘有為非究竟也學般若菩薩與法真合於一切法應無所住心無罣礙得大自在作而無作為而無為故云絕學無為也閑道人者與道相應不為塵勞拘繫故名為閑良由一切衆生從無始來已至今日背覺合塵於諸前境念念之中隨逐諸塵無有暫捨何由出離幸道之人能轉万物不為万物所轉目對千差心閑一境水邊林下長養聖胎看月色以道迷

聽泉声而自在故云絕學無為閑道人也
幽鳥不歸來

僧問南泉牛頭未見四祖時為什麼鳥獸金花來供養泉云只為步步踏仏階梯僧云見後為什麼不來泉云直饒不來猶較王老師一線道不除妄想不求真

琪注所言妄想者即虛妄想念也良由一切衆生十二時中攀緣之心無有間斷心如念水之龜意似逆風之馬未嘗停息故名凡夫也所言真者即一真佛性也今此道人與法相應不落

事實一

六

凡聖二途亦乃簡異二乘也小乘之人厭離世間生死樂求界外涅槃學般若菩薩會万法歸於自己故云不除妄想不求真也故脩山主云具足凡夫法凡夫不知具足聖人法聖人不貪聖人若會即是凡夫凡夫若知即是聖人此兩則語是一理二義傳云若辨得不妨於佛法中有箇入處若辨不得莫道不疑

打破至影斷
鏡清問靈雲繞清絕點時如何云似鏡常明問如何是似鏡常明云猶是真常深注問向上還

有事也無云有如何是向上事云打破鏡來與你相見僧問南明承師有言打破虛空云云此意如何師與一掌云打破虛空了也本來人在其麼處

本來人

三聖問東寺本來人還成佛也無寺云你道大唐天子還耕田種植也無問成佛麼是甚麼人寺云是你仙服云與子偕行今日路如君共見本來人同名同姓同形段無死無生無色塵無明實性即佛性

事實一

七

琪注無明者無般若大智之明也佛性者即究竟清淨覺性也從無始已來虛生浪死不能出離皆因無明而流轉也故知無明即根本煩惱也為八萬塵勞之根作十二因緣之首河沙煩惱由此而生塵劫輪迴以之不絕非想定後還作狸身無河坑中猶為病行古德云疾如掣電猛似狂風瞥起塵勞速於瀑沫之水欬成五欲急過旋轉之輪是以結搆四魔馳驅十使皆無明之使然也未了之人迷為實事今此道人以般若智照了無明即明見佛性故即佛性也

賀昇平

天童云大平治業無像野老家風至淳只管村家社舞亦知舜德高仁古德云大平時代不思議佛法無迷亦無悟

幻化空身即法身

琪注既了無明即是佛性當知幻身即是法身也所言法身者教有五分法身一戒二定三慧四解脫五知見也傳曰智冥真境盡法為身故曰法身能軌生一切法故能遍攝一切法故也達法之人了父母緣生虛幻之身即是金剛常

事實一

亦狗至共知

住不壞之身故曰幻化空身即法身也
大慧云三世如來不知有老老大大公邊走進奴白牯知有跛跛挈挈能自守

法身覺了至天真佛

琪注以般若智照五蘊皆空無有一物無有邊表無有名守強名法身也昔大原乎上座為座主時因講維摩經至法身義時免道者在座下聽乃問座主云適來講者是諸佛法身那箇是座主法身座主云法身豈有二耶道者云如人

說食終不濟前欲子心源以悟為則師云某甲
說法身義祇如此却請道者為說道者云且住
謂三五日於空室內靜坐體取法身師一依所
言併息諸緣端居靜室早晨忽聞鼓角聲覺然大
悟云始知本來無物泊合空過一生故云法身
覺了無一物也本源自性天真佛者今若返本
歸源不假修證始知本來成佛行住坐卧觸目
遇緣頭頭垂示法法齊彰無非佛事故法燈士
誰信天真佛興悲幾方般蘆花開古岸白鷺立
沙灘露滴庭莎長雲收淡月寒頭頭垂示處子

事實一

九

細好生觀

當日事

世尊在靈山說法天雨四花世尊遂拈花示眾
迦葉微笑世尊云吾有正法眼藏付囑摩訶迦葉

勢乃節

佛在靈鷲山有老比丘登上上下脚踏倒地佛

言應畜拄杖

五陰淨雲至虛出沒

琪注學法之人了五陰不實猶如淨雲知三毒
虛幻還同水滄所言五陰者一色二受三想四

行五識也色以室礙為義受以領納為義想以
想像為義行以遷流為義識以別識為義了五
陰即人空也所言三毒者一貪二瞋三癡也於
順境即起貪心於逆境即起嗔心以無智故容
受則是癡也了此則是法空也五陰既如大虛
淨雲空自去來三毒還如水上之泡虛然出沒
洛浦云祇知漚向水中出豈知水亦從漚生權
將漚水類余身五蘊虛攢假立人達解漚空漚
下實方能明見本來真若未達此則生死海中
虛出沒也

高寒一

六

西風一陣掃無蹤

清涼云惑本無蹤迷真忽起迷而不返爛熳無
涯若織雲覆空其來無所須臾弥滿六合暗然
長風忽來倏尔雲盡千里無點万像歷然方便
風生照惑無本性空顯現衆德本圓八万塵勞
皆波羅密門恒沙惑障盡是真如

朝宗

詩汚水曰汚波流水朝宗于海注云諸侯春見
天子曰朝夏見曰宗尚書禹貢曰江漢朝宗于海
注云二水入海有似於朝百川以海為宗宗尊也

證實相至何鼻業

琪注無相不相故名實相證此實相即無人法
二空也以刹那至速之頃能滅多劫重罪也所
言刹那者比如力士斷藕絲頃下取方便唯取
斷時謂之刹那一刹那中具九百生滅乃至速
之頃也所言阿鼻者即梵語也此六無間即極
重地獄也在七金山下所謂號號婆囉囉婆
即八寒八熱是也杖諸地獄極重極苦其中受
罪無有間斷也今與法相應善惡諸相自然寂
滅古德云我尚不可得非我何可得故去刹那

事實一

十一

戒却阿鼻業也

絕離微

寶藏論離微體淨品云六入無跡謂之離不用
無我謂之微又云離者空也微者有也

鷓鴣啼

僧問風穴語默涉離微如何通不犯穴云常憶
江南三月裏鷓鴣啼處百花香祖庭六鷓鴣上
之夜切下音姑形似雉生江南

百是貪

香嚴智閑禪師云去年貪未是貪今年始是貪

金剛至含嘆

去年無卓錫之地今年雖也無

善惡不同途

祖庭云金剛是樓至後身也乃護法神也
僧問古德如何是修善行人云捨槍帶甲云如
何是大作惡人云坐禪入定僧云未審此意如
何師云善人無惡念惡人無善念善惡如淨雲
俱無起滅處

猶霜雪

經云若欲懺悔者端坐念實相眾罪如霜露慧

事實一

十二

日能消除

若持妄語至塵沙劫

琪注此乃永嘉大悲願力發此言也故知先聖
恩重難報切恐末世眾生信根淺薄向此門中
退失道心設此重誓也若我妄語欺誑汝等即
當自墮泥犁地獄拔舌犁耕受其極苦非但一
劫乃至經塵沙劫也所言劫者梵語具足應言
劫波此翻時分劫亦多種所謂芥子劫塵點劫
拂石劫等具如經論所載今不言名号而言塵
沙者但言其多劫大師所說親證法門欲令一

切衆生見性成佛豈有妄言猶恐信之不及宗
遠遊子

曹溪明和尚云紅塵路上遊子何歸但息心機
家山咫尺

頓覺了如來禪

琪注非漸次而知故云頓覺也如來禪者竹篋其
四種禪那一菩薩唯識禪二聲聞偏空禪三人天
因果禪四外道具計禪今此文門即是世尊靈
山會上以青蓮目瞬視迦葉微笑吾有正法眼
藏分付摩訶大迦葉迦葉付阿難阿難付商那

萬寶一

十三

和修乃至二十八祖菩提達摩西來東土屢轉
付至曹溪六祖自後燈燈結與祖祖聯芳以至
如今兩手分付且還有分付無分付若是本分
衲僧自知落處

忘筌

莊子云得魚忘筌得兔忘蹄得意忘言

依舊眉毛

洪覺範云十年積果侍立學得眼橫鼻直

團扇擬月輪

惟殷疏云月隱重峰舉扇喻之風息六虛動樹

後應馬 訓之

苦行韓大白頌云一兔橫身當古路蒼鷹一見
便生擒後來獵犬無靈性空向拈椿舊處尋

六度万行體中圓

琪注摠謂之六度別謂之万行此之行門皆在
一念之中本來圓滿也所言六度者謂布施持
戒忍辱精進禪定智慧也皆言度者何也為各
有對治故言度也布施度慳貪持戒度毀犯忍
辱度嗔恚精進度懈怠禪定度昏散智慧度愚

萬寶一

十四

癡故云六度也此之度門今非諸小乘分修六
度權位菩薩兼修六度乃於一念之中圓修六
度故云體中圓也

唯一月

韶國師云舟從東去一月往東舟從南去一月
往南舟從西去一月往西舟從北去一月往北
停舟之者見月不動如是乃至四維十方皆於
一時並現所以並安千器千月不同一道澄江
一月影孤

夢裏明明至無大千

琪注迷時三界有悟則十方空故云夢裏明明有六趣覺後空空無大千也古六趣者一人二天三修羅四餓鬼五畜生六地獄也皆言趣者其故何也為一切衆生一念迷妄業識茫茫隨其業力自趣入於六道之中非他人使然也古德云貪嗔愛水滋潤苦芽一向徇塵不知返本也所言空空者謂都無實義故也無大千者即丈六金身所化之境也今與般若相應豈止能空六趣衆生乃至三千大千世界所化之境亦無實義故云覺後空空無大千也

事實一

十五

望南星

雪竇古明鏡當臺列相殊一一面南看北斗又云北斗南星位不殊自浪滔天平地起

仗劍文殊

見中卷巖邊鋒刀琪注百丈云以智漸劍害有

見佛心

無罪福至莫問覓

琪注若一念相應則無罪福損益等相也古德云若人發心歸源十方世界皆悉消殞况其罪福者乎既達諸法性空寂滅性中即無我人衆

生壽者等相與般若無相法門相應則不在言語詮辯問難故云無罪福無損益寂滅性中莫問覓也

布毛吹

杭州起賢寺會通禪師唐德宗時為六宮定屢乞為僧云云帝從其願禮烏窠道林禪師落髮通一日欲辭去師曰汝今何往曰會通為佛法出家以和尚不垂慈護今往諸方學佛法去師曰若是佛法吾此間亦有小許日如何是和尙此間佛法師於身上拈起布毛吹之會通遂領

事實一

十六

悟玄言時謂之布毛侍者

從來不許外人看

古德云古殿苔生日不立從來不許外人看

此來塵鏡至須剖析

琪注一點靈光本來與十方諸佛無二無別矣一切衆生從無量劫來未曾遭遇知識發明見性譬若塵土之鏡久翳昏暗不能照物今日既遇知識發明已見拂去塵垢本來光彩粲然透漏照天照地所以先德云心光騰耀迥脫根塵體露真常不拘文字心性無染本自圓成但

雜妻緣即如如佛

心垢為緣

起信論云眾生心者猶如於鏡鏡若有垢色像不能現如是眾生心若有垢法身不現

徇世情

古德云摩盤拭茶強逢近慚愧最林本分僧出世道心隨日減徇情人事逐年增

誰無念至無不生

琪注上句拈情下句現法誰無念誰無生者則是誰人無念誰人無生也人之心念生滅無有間

事實

十七

斷其生滅如落車繫不可勝數念念之間無有停息如燈皎皎似水涓涓行則心攝十方坐則意攀三世故云誰無念誰無生也若實無生無不生者若實曉得無生之理即不壞一切諸法生相則無妨万法之生也故修山主云万法無生相一年一度春故云若實無生無不生也

真真未出塵

法泉禪師上堂云欲識真真去塵乃拈起拄杖云拄杖是塵那个是真若謂即真與塵何別要會歷家在帝城風雨夜一身分作兩般愁

喚取機關至早晚成

琪注重為喻出令其易曉也上來因該覺後空空無大千無罪福無損益寂滅性中莫問覓永嘉切恐後人隨語生解作斷滅之見故持此點寬也學般若菩薩須遇知識發明已見於有念中達其無念於生滅中悟無生滅也若謂無念無生為無生法忍譬如機關木人亦無心念欲期成佛無有是處故云早晚成早晚者即江浙方言猶何時可成也

事實一

十八

詩黍離憫宗周也周大夫行役至于宗室過故宗廟宮室盡為禾黍憫周室之顛覆彷徨不忍去而作是詩也彼黍離離彼稷之苗行邁靡靡中心搖搖知我者謂我心憂不知我者謂我何求悠悠蒼天此何人哉

隨人手

佛頂經云如以手掌撮摩虛空只益自勞虛空云何隨汝執捉
放四大至隨飲啄
琪注四大者謂地水火風也從無始來捨身受

身常為四大拘繫不得自在今了四大性空於法自在在水全水在火全火在地全地在風全風故修山主去地大不容水火風一大既尔諸大同四大未嘗不周適周適何曾有混融狀若千燈同一室又如萬像一鏡中四大異名無四性界處根塵識不通若曉此言故云放四大也所言莫把捉者既了四大性空又向何處把捉故云莫把捉也寂滅性中隨飲啄者若了四大本空五陰非有却好任意浮沉隨緣飲啄故道吾云處也餐細也餐莫向几夫相上看也無底

義實一

十九

義實

也無細上方香積無根蒂故云寂滅性中隨飲啄也

前前規規

莊子云翦翦者莫足與語至道之全也解去翦翦破碎之徒不可與言大道之全也又云并蛙聞東海之大適適然驚規規然自失也解云規規然而求之以察索之以辨則用管窺天用錘指地之類也

一粒

滿山去莫欺這一粒百千粒從這一粒注

諸行無常至大圓覺

琪注非唯四大之相本空亦乃所作諸行盡皆空寂也言諸行者非止一行乃至種種萬行皆悉本來空寂故經云我今此身四大和合所謂髓毛爪齒皮肉筋骨髓腦垢色皆歸於地唾涕膿血津液涎沫淡淚精氣大小便利皆歸於水暖氣歸火動轉歸風四大各離今者妄身當在何處故云諸行無常一切空也即是如來大圓覺者既了諸法本來空寂即與大圓覺性相應也但猶一切衆生日用而不知故裴相去終日圓

義實一

二一

覺而未曾圓覺者凡夫也欲證圓覺而未扭圓覺者菩薩也具足圓覺而住持圓覺者如來也故云即是如來大圓覺

可雌黃

史記云未盡天下文章不得雌黃古今史定說至任情微

琪注內懷聖胎發言殊異果敢無猶豫之辭故云史定說也學般若之人識心遠本萬慮都忘巍巍堂堂三界獨步為法門之領袖作人天之導師故云表真乘也有人不肯任情微者設或

有人不肯我之所蘊無上妙法以種種世智難問於我我即一任他人做難也古德云直饒汝盡十方世界却作一箇問訊頭問我不消老僧彈指一下並乃高低普應前後無差祇恐信之不及也

上上機

香嚴和尚因擊竹作聲忽然悟道遂偈曰一擊忘所知更不假修治動容揚古路不隨悄然機處處無蹤跡聲色外威儀諸方達道者咸言上上機

事實一

二十一

直截根源至我不能

琪注直下頓入佛之知見不隨漸次教相涉歷故云直截也先德云祇此箇事若在語言上三乘十二分教豈是無言說因什麼道教外別傳唯此一法直下明心但求其本不徇其末故云直截根源也佛所序者諸佛法門迥相序可一序序定起畢同時更無先後故名曰序也摘葉尋枝我不能者名相之學猶如摘葉頭數法明無有窮盡徒自困疲終無所益故曰我不能也摩尼珠至親汝得

琪注梵語摩尼此言如意宝也體性輕軟潔淨

如法具諸功德唯此一宝可喻佛性人人皆有此宝而不得受用者何為無明塵垢所覆不能自見故云人不識也如來藏裏親收得者此摩尼宝非世所有乃於如來秘密藏中親獲此宝所言如來藏者有在纏如來藏有出纏如來藏衆生常為三毒五陰煩惱所覆雖有空藏不得受用謂之在纏如來藏也若乃諸佛三德精明湛然圓滿包容法界種種功德謂之出纏如來藏藏即且致阿那箇是珠豈不見僧問南泉摩

事實一

二十二

空尋覓

尼珠人不識如來藏裏親收得如何是藏師云王老師與你往來者是藏僧云如何是珠師乃召云師祖僧應若師云去你不會我語莫道這僧不薦設使薦得我也知你摸捺未著在寒山詩云不解善思量只道求佛難回頭即是佛莫向外頭看六般神用至色非色琪注此摩尼珠珠有六窟喻六根也迷為六賊自劫家宝所有無量功德法財盡為六賊所盜

若乃悟之謂之六般神用也在眼曰見在耳曰聞在口談說在足運奔用無盡也空不空者此之妙用非其有無可見所以道若言其有無狀無形若言其無聖以之靈故云空不空也一顆圓光色非色者此之寶珠烜赫靈明照十方界故知真色無形而森羅大千古德云青青翠竹盡是真如鬱鬱黃花無非般若故云一顆圓光色非色

不二門

維摩經云三十二菩薩各說不二法門已文殊

事實一

二十三

却問我等各自說已仁者當說何等是菩薩不二法門維摩默然文殊讚云乃至無有語言文字是菩薩不二法門

那律能觀

楞嚴經云阿那律陀即從座起頂禮佛足而白佛言我初出家常樂睡眠如來訶我為畜生類我聞佛訶啼泣自責七日不眠失其雙目世尊示我樂見照明金剛三昧我不因眼觀見十方精真洞然如觀掌果解云阿那律此云無貪乃白飯王子證得天眼樂見照明即天眼定也

淨五眼至難可測

璣注諸經皆云五根五力今言五眼五力者今檢諸經論唯爭名經所出且依文解之所謂五眼者一天眼二肉眼三法眼四慧眼五佛眼也具足五眼為如來即得五力現前一信力二進力三念力四定力五慧力故曰淨五眼得五力也唯證乃知難可測者此之心地法門直須親證乃可得知也如人飲水冷暖自知則不可以情量測度也經云若以思惟心測度如來圓覺境界如取螢火燭須彌山縱經塵劫終不

事實一

二十四

能著故云唯證乃知難可測也

如視庵摩

楞嚴經云庵摩勒果也此云難分別似挑非挑似捺非捺也

直趣菩提

李文和都尉參石門慈照聰禪師悟臨濟宗旨有一偈曰學道須是鐵漢著手心頭便判直取無上菩提一切是非莫管

心匪石

詩云我心匪席不可卷也我心匪石不可轉也

鏡裏看形至爭拈得

琪注雖鏡裏之形可見且水中之月不可取也
良由世人以此覺性認其影像洩浪生死頭出
頭沒深著前境不能出離故賢愚經云譬如晴
夜有衆猴猴扶樹井傍忽見月影即便近相下
井捉月欲其所得終不可也良由一切衆生隨
逐外緣欲其返本亦復如是故云水中捉月爭
拈得也

舊主人

古德云五蓋山前一殿空同門出入不相逢無

事案一

二一五

重劫來貧屋住至今不識主人公

癡樣狂解

僧祇律云佛告諸比丘過去世時有城名波羅
奈國名伽尸故空閑處有五百猴遊行林中
到一尼俱律樹下樹下有井井中有月影現時
猴猴主見是月影語諸伴言月今日死落在井
中當共出之莫令世間長夜暗冥共作議云
何能出時猴猴主言我知出法我捉樹枝汝捉
我尾展轉相連乃可出之時諸猴猴即如主語
展轉相捉小未至水連猴重樹弱枝折一切

猴猴隨井水中云云

常獨行常獨步

琪注違法之人不以方法為侶高超三界獨步
大方故曰常獨行常獨步也未了之人無量
劫來常與諸塵作對既迷覺性深附塵緣念念
之間不能捨離故云眼根受色耳分別聲鼻受
諸香舌嗜於味所有身根貪受諸觸意根分別
一切諸法豈能絕前後際而獨行獨步耶

忘却來時路

寒山詩云欲識安身處寒山可長保微風吹幽

事案一

二一六

松近聽聲愈好下有班白人喃喃讀黃老十作
歸不得忘却來時路

違者同遊涅槃路

琪注違者即違法之人也涅槃者即不生不滅
也涅槃者不生繫者不滅即無生路也十方薄伽
梵一路涅槃門此之一路唯明心達本具大衆
種性者方能步步踏佛階梯而同遊也須知三
界浩浩六道茫茫盡是失路頭人是以千聖
出興為一大事因緣勸汝等諸人同行此路自
是諸人不肯下脚古德云天堂路上生荆棘地

微門前滑似苦可謂小人踏著

調古神清至人不顧

琪注未了之人深著世緣趣味浮艷精神昏亂內失所守則非道人動靜也有道之士不染世緣調格古淡精神清爽道風高邈故云調古神清風自高也貌悴骨剛人不顧者大修行人雖形狀枯悴且心無貪欲內有所主剛如金石人罕識之間淨提人淨著色相流轉生死無有出期而不著悟是以聖人狀同貧士隱在世間則不可測故知本分道人內蘊般若不事華飾風

事實一

二十七

貌清古人罕識之故云貌悴骨剛人不顧也

妙峰頂

華嚴經云善財童子漸次南行向勝樂國登妙峯山於其山東南西北上下觀察求覓渴作欲見德雲比丘經于七日見彼比丘在別山上徐步而行見已往詣頂礼其足古釋云妙峰即須弥地頂表相盡各亡處也以德雲比丘是初發心住善知識明以無相定證得法身也清涼釋別峰義云忘所住位方能得旨

藜藿菜味

窮釋子至道不貪

莊子云原憲居環堵之室茨以生草蓬戶不完子貢乘駟馬中紺外素車蓋不容巷往見原憲禪冠而徒履杖藜而應門子貢曰先生何病憲曰余聞之無財謂之貧學而不行謂之病今憲貧也非是病也藜藿豆葉也

事實一

二十八

人即為強國父母悔德遣使往詔四子辭過不歸父王歎曰我子釋迦即華言能仁也今不言迦而言釋者從其簡也子者男子之通稱故曰釋子也口稱貧者口雖稱貧內蘊聖法實非貧也實是者乃諦實之言也身貧者為關世財七宝等也道不貧者若論其道則河沙功德無量法財用無窮盡雖無卓錫之地實是價直淺淺故曰實是身貧道不貧也下文明出

孃生破布衫

雲居山下有一道者卓庵而住雲居一日令侍

者持誇一霄往彼與之道者云我自有孃生
誇云云懶瓚云心是無事心面是孃生面切石
可移動以固中無改變

貧即身常至無價珍

琪注貧則身之嚴飾謂之身貧也其道可尊
貴實非貧也古德云袈裟破後重重補糧食
無時旋旋營是以迦葉著糞掃衣佛贊為上
行之衣對食儉衣為知足故也道則心藏無價
珍若世間七珍金銀琉璃珊瑚車馬真珠碼碯
等宝皆有價直唯有心宝故無價也達摩云杖

事實一

二十九

諸法中心法為上杖諸宝中心宝為上此宝無
形非具道眼卒難可見故曰心藏無價珍也
無價珍至終不悛

琪注再言無價珍者明此寶實非世間之寶也
用無盡者世間之寶皆有限量用皆有盡設使
壽同彭祖富似石崇乃一世之榮也唯此心宝
用無盡也上至十方諸佛經無量劫受用不盡
西天二十八祖用不盡唐土六祖用不盡天下
老和尚用不盡即今山僧用不盡也利物應機
終不悛者十字街頭堂堂分付何曾悛惜自是

時人不肯承當故古德云驪珠不是驪龍惜自
是時人不解求

機宜

云義云機有三義一者機是微義故易曰機者
動之微吉之先現又阿含經云眾生有善法之
機聖人來應也眾生有將生之善此善微微將
動而得為機若將生善為機此語為從今明可
生之善此語則寬如弩有可發之機故射者發
之發之則箭動不發則不動眾生有可生之善
故聖應則善生不應則不生故言機者微也古

事實一

三十

注楞伽云機是開義何者眾生有善有惡開聖
慈悲故機是開義也三者機是宜義如欲拔無
明之苦正宜慈悲如欲興法性之樂正宜慈悲
故機是宜義也

悲願所熏

圭峯云同體大悲補性大願性本有之非別新
得也

香飯

滄名經云毗耶離城維摩詰居眾會前化作菩
薩往上方界眾香世界香積如來所借一鉢飯

使一切人食瑞如須弥悉飽衆會猶不能盡
鋒銳如古
降雨初

長蘆云譬如沙竭羅龍王不出大海不離深宮
唯以一念慈悲之心掣電振雷隨應降雨無
上法王亦復如是 不離法界不動心清唯以一念
無功之心於十方世界興布慈雲普洒甘露
三身四智至心地耳

琪注三身四智八解六通者乃覺性功用得名
也地以巖生為義耳以号令為義也所言三身

事實一

三十一

者法身報身化身也四智者大圓鏡智平等性
智妙觀察智成所作智也八解者一內觀色解
脫二外觀色解脫三淨處解脫四無邊處解脫
五識無邊處解脫六無所有處解脫七非想處
解脫八究竟戒處解脫此八處解脫即八識解
脫所言八識者即眼耳鼻舌身意為六識七傳
送識八阿賴耶即含藏識也所以轉八識為四
智東四智為三身也今言轉八識為四智者轉
眼耳鼻舌身五識為成所作智轉第六意識為
妙觀察智轉七傳送識末那為平等性智轉八

含藏識阿賴耶識為大圓鏡智東四智為三身者
以成所作智妙觀察智為化身平等性智為報
身大圓鏡智為法身此之三身祇一身也要識
一身麼頭圓象天定方似地古貌稜層文夫意氣
沃水空三

長蘆云祖師門下有時紐半破三有時裂半折
三三句外會得與祖佛為師三句內會得與人
天為師三句不明自救不了函蓋乾坤者如字
字泥文彩分明截斷衆流者如字字空了無朕
跡隨波逐浪者如字字水念念不停流更有一

事實一

三十二

乎且道向甚麼處搭良久六使府鐵牛頭嘉祥
大像肚

石橋西

鴈蕩集題證道閣云將心求道道難窮無念觀
空即滯空欲識祖師真往處竹林西畔石橋東
上士一決至多不信

琪注無上妙法唯上人所聞了能諦了故云上
士一決一切了也是以上士相見目擊道存中下
之人祇益多聞所以云言多則去道轉遠故曰
中下多聞多不信也然則三教所有言詮則皆

然也大乘菩薩一聞千悟得大捨持諸小乘人不任此法也老子云上士聞道勤而行之中士聞道若存若忘下士聞道而大笑之不足為道也傳曰可與言而與言不可與而不與言可與言而不與言謂之失言也故寒山詩云上人心猛利一聞便知妙中流心清淨審思云甚要下士鈍暗癡頑皮最難裂直待血淋頭始知自摧滅看取開眼賊關市集人決死屍弃如塵此時向誰說男兒大丈夫一刀兩斷截人面禽獸心造作何時歇

事實一

三十三

先聖激勵如此其有善根者聞之必有感焉

勢若崩山

覺範云怒倪裂石渴驥奔川又古云過星之人了悟之時如轉千句之涯更無滯滯也

刺舟

呂氏春秋曰楚人有涉江行舟舟自舟遺劍於刺其舟曰吾於此墜劍求必得之其迷有如斯者但自懷中至誇精進

洪注垢衣者即無明煩惱也衣者以蓋覆為義垢即塵垢也塵以染污為義此之無明能蓋覆

誇精進

清淨法體能染污微妙覺性故喻衣也但自懷中解垢衣者况此已事非他人可為故也後等覺已還皆是垢衣大士也見性之人潛藏密用不為塵勞無明蓋覆故云解垢衣也古德云卸却臟腑帽子脫却燈旛布衫擺手出荊棘林得大自在也小乘之人專求事相雖身圍法座心繞法塵是外誇精進也寶公云人定亥勇猛精進成懶忘却其謂也

無行經云若起精進心是妄非精進但能心不

事實一

三十四

妄精進無有涯

從他誇至徒自疲

琪注以言毀辱謂之誇以是為不是謂之非也見性之人十二時中所遇順逆之境心則安然不為万境所轉也一任毀謗於我我既不受惡言誇讚返自歸己所謂自作自受也譬若有人手執火燧擬欲燒天徒自困疲終不可得故云把火燒天徒自疲也

木人花鳥

龐居士頌云但自無心於万物何妨万物當圓

繞鐵牛不怕師子吼恰似木人見花鳥木人本
体自如然花鳥無情亦不驚心境如如只這是
何慮菩提道不成

甚危倉

祖庭云蒼蒼青青天之色穹穹隆隆隆天之形蓋
以天地之大德以比無私之大道也

我聞恰似至不思識

琪注我聞毀謗之言恰似飲其甘露心自清涼
不生熱惱未了之人聞毀謗是非之言心生煩
惱所謂薦然一處撥著三處一時火起不可止

事實一

三十五

也古德云覺花有種無人種心火無煙日日燒
唯見性之人所聞順逆之言心得自在即入不
思議解脫妙門故云銷融頓入不思議也

觀惡言至善知識

琪注耳聞惡言不起嗔心即能成就定慧之力
也不為六賊盜竊家寶功德法財從此增長則
知彼毀謗之人逐乃為我善知識也不言聞惡
言而言觀者即六根五用也我佛世尊成道之
日群魔競作如來哀愍此輩即入慈心三昧是
時魔眾終不能害此乃成就万德莊嚴定慧

功德也

忍心如幻

傳大士偈云忍心如幻夢辱境若龜毛常能修
此道逢難轉堅牢

達多親授

法華授婆達多品云由提婆達多善知識故
令我兵足六波羅密慈悲喜捨三十二相八十
種好紫磨金色十力四無所畏四攝法十八不
共神通道力成等正覺廣度眾生皆因提婆達
多善知識故告諸四眾提婆達多却後過無量

高安三

三十六善

劫當得成佛号曰天王如來云云
不因訛謗至忍忍力

琪注若不因上來訛毒毀謗之言加及拔我即了
善惡之聲皆不可得比若風過樹頭祇聞其聲
不生分別善惡之音即起寬觀平等之心以能
成就慈悲喜捨四無量心即於時中所遇逆順
之境以平等心坦然自在無有罣礙若不如此
則何以表我無生慈忍道力耶

曾渡流沙

僧問法泉如何是祖師西來意師云穿雲登鳥

道持杖過流沙
無生自證

五門禪經云於一切衆生忍辱不嗔是名衆生
忍得衆生忍者易得法忍得法忍者所謂諸法
不生不滅畢竟空相誠信受是法忍者是名無
生忍

宗亦通說亦通

琪注宗通者即法通也法非言說言說非法雲
門去東海鯉魚打一棒兩似盆頓天衣去山僧
倒騎佛殿諸人返著草鞋乃至青平般土歸宗

事實一

三十七

撥石德山入門便捧臨際入門便喝如上垂慈
若無悟心如何明得耶直須洞明宗旨言深遠本
源直下明宗不同圓漸故曰宗通也說通者即
義通也善能講說十二部經名相法數一一了
知無有疑誤故曰說通今言宗亦通說亦通者
則是法義雙通也能具此者極難得其人法門
後進不曉其旨互相是非傳曰西天則分河飲
水此土乃禪誦相非皆不明法義二門也圭峯
六經如繩墨指定邪正繩墨非巧巧者必以繩
墨為憑經論非禪叅禪者必以經論為準古

德云令人看古教未免心中閑若免心中閑應
須有古教傳曰經是佛語禪是佛心諸佛心口
必不相違也大師始者聽集天台智者教觀
後有發明知見往曹溪六祖斤可故深明此言
故曰宗亦通說亦通也

摩竭當年

西域記云昔如來於摩竭陀國初成正覺梵王
建七寶堂帝釋建七寶座佛坐其上於七日中
思惟是事義同捨室也摩竭陀此云文物國
文殊撞倒老維摩

事實一

三十八

續

止啼黃葉

雪竇頌云咄哉維摩老悲生空懊惱七佛
祖師未當時便靠倒不靠倒金毛師子无處討
譬如嬰兒啼哭之時父母即以楊樹黃葉而語
之言莫啼莫啼我與汝金嬰兒見已生真金想
便止不啼然此楊葉實非金也見涅槃經
定慧圓明不滯空

琪注因中謂之止觀果上謂之定慧不二謂之
圓明此圓明之性非小乘斷定故曰不滯空也
良由一切衆生從無量劫來為無明煩惱所醉

不能出離生死者唯無明昏散所病也是以聖人立止觀二法治之即以上止散即散而寂以觀觀昏即昏而朗則轉成定慧二法定慧不二謂之圓明圓明一法也此之一法諸佛功德無量法財妙用無盡皆在圓明華藏海中受用也

非但我今至體皆同

琪注真覺自六非獨我今達了如上圓明法性乃至恒沙諸佛圓明覺體盡皆同也故經云唯我知是相十方佛亦然所言恒沙者從喻得名

事實一

三六九

西竺有河名曰恒河此河方四十里其中有沙沙細如麴世尊說法多以此河中沙比其數量今永嘉依經而言也

南明泉和尚頌證道歌事實卷第一

南明泉和尚頌證道歌事實卷第二

師子吼至皆腦裂

琪注師子為獸中之王若哮吼一聲群狐併迹百獸悉皆腦裂恐怖而走以前大乘菩薩所說圓頓法音魔宮振動諸小根器不任大法各生疑惑而不悟解所以華嚴會上如覺若症不能信受故如德山入門便捧臨濟入門便喝能有幾箇承當

荆棘林

事實二

二

古德云一念妄心緣動即具世間諸苦如人在荆棘林不動則刺不傷妄心不起恒處寂滅之樂一念妄心緣動即被諸有刺傷故經云有心皆苦無心乃樂

失舊家

成道記云魔有四女端正無倫共來菩薩前呈請安態欲壞梵行持菩薩以慈心定力四女皆變為老醜羸弱之狀相顧羞愧而退

香泉奔波至生欣悅

琪注香泉喻小乘聲聞緣覺定性之人不能迴

心向大所聞圓頓大乘不能諦信是以法華五千退席禮佛而去辭如象王雖有威德若聞師子吼時即失威奔走故曰香象奔波失却威也天龍寂聽生欣悅者諸天龍王聞師子吼時心即欣然而悅也以喻大乘菩薩之人聞佛所說大法心生歡喜踊躍無量也如須菩提在般若會中聞佛所說般若喜極成悲故金剛經云爾時須菩提涕淚悲泣而白佛言希有世尊我從昔來所得慧眼未曾得聞如是之經即其義也

泥洹

事實一

二

梵語此云不生不滅亦云涅槃也

四教儀亡脫舍那珎御之服者文六弊垢之衣遊江海至為參禪

琪注所遊江海涉歷山川途路疲勞奔馳南北非為別事乃為參尋知識決擇死生所謂無常迅速生死事大投子云一切世人向緊急處却閑慢閑慢處却緊急若欲出離生死須遇善知識為增上緣發明已事實非小緣也所謂青山長在知識難逢故曰尋師訪道為參禪也

金瓶

經云如轉輪聖王所生大子其王取四海水置金瓶中王執此瓶灌大子頂是時即受王位寶珠至憂怖

經律異相云昔者菩薩從四姓生隨地即曰眾生萬禍吾當濟之親曰兒有乾坤弘潤之志將非凡夫乎名曰普施年至十歲辭親濟眾布施貧乏父母聽之即渡海入山到無人處造觀銀城宮有毒蛇遶城七匝體大百圍奉首相看者施念曰斯有害心吾當與慈地毒即滅盡首而取

高僧傳二

三

登首入城城中天神觀之欣豫曰久服聖德今來翔茲願留三旬時供養畢以明月真珠一枚送之珠明四十里志願若發眾寶滿足又復前行觀黃金城毒蛇圍城巨軀倍前普施復入慈定地即垂首登之入城有天人相見歡喜曰久服靈耀翔茲甚善復以神珠一枚送之即復前進觀琉璃城又有毒蛇軀以遠城二十一匝仰首瞑目復生慈定毒蛇垂首登之入城天人欣者如前請留又送神珠普施得珠返其舊居海神僉會議曰吾等巨海唯斯三珠為吾榮華道士

悉得吾等寧當都立諸寶不失斯珠海神化為凡人當普施前曰吾聞仁者獲世上寶可得觀乎即以示之海神持手繫取普施曰吾歷嶮跨海乃獲斯寶欲濟貧乏亦還吾珠不者吾竭尔海神曰巨海深廣孰能盡之普施曰吾於錠光佛前願得道力反覆衆海指擢須彌震天地移諸刹帶從吾志今得之矣今尔鬼物絲段之力焉能遏吾正真之勢即併兩足擗滌海水投鐵圓外適淨天曰吾昔於錠光佛前聞其志願必為世尊度吾等衆生即下助其漂水十分去八

事實二

四

海神怖曰斯水盡矣吾居壞也即還其珠尋路布施所過之國無復貧民出賢愚經

抑標

古德云一條柳標倚青天別向三乘教外傳未耽眼時遺八百擬開口處打三千

玄沙出崩

玄沙師備禪師初叅雪峰心疑未决乃云我不如出崩遍叅諸方遂携囊出崩到峻峻處尋著足指出血痛楚嘆曰是身非有痛從何來是身是苦畢竟無生休休達摩下來東土二祖不往

西天從此迴鋒
自從認得至不相關

琪注自從往曹溪六祖印證心地法門了知一切諸法無生無滅無去無來若悟此箇法門則了悟本來生死不相干涉故去了知生死不相關也若得如此也妙用無窮通身應物行住坐卧語默作做舉動施為折旋俯仰無非皆在大寂定中明明受用下文可見

奔逐者

蒙山道明禪師因趙盧行者至大庾嶺行者見

事實二

三

師至即擲衣鉢於石上云此衣表信可力爭耶任君將去師遂舉之如山不動

跋提至鶴樹

祖庚云跋提河名世尊於尼蓮河使樹下入滅後經七日迦葉至禮拜哀請世尊標示雙趺又世尊欲入涅槃沙羅雙樹盡白猶如白鶴

復履

通錄云達磨大師端居而逝羣熊耳山後宋雲奉使西域迴遇師于葱嶺見手携隻履翻獨遊雲問大師何往師曰歸西天去又謂雲曰汝

主已崩盤復命即文帝已登遐迨新帝即位雲
奏其事帝令啓穢推空棺一隻草屐存焉

行亦禪至體安然

琪注祖宗門下頭頭垂示物物齊彰傳曰念念
釋迦出世步步弥勒下生分別現文殊之心動
用運善賢之行門門而皆出甘露味而盡是
醍醐不出菩提之林長處華藏之海晃晃而無
塵不透明明而溢目騰輝豈勞妙辯以宣揚何
假神通而顯示若如此也行住坐卧觸目遇緣
雖應用千差且真如之性湛然不動故云行亦

事實一

六

禪坐亦禪語默動靜體安然也

護身符子

忠國師因就源師曰某甲往南方忽有人問極
則事如何祇對師去幸自可憐生須要箇護身
符子作麼

縱遇鋒刃至也閑閑

琪注十二時中既動靜皆為佛事假饒有人以
利刃毒藥加及於我則坦然閑暇無所畏也
故靈山會上有五百比丘得四禪定具五神通
以宿命智各見過去世殺父害母及諸重罪於自

心中各懷疑怖於是文殊仗劍持通如來世尊
謂文殊曰住住不應作逆勿得害吾吾必被害
為善被害文殊師利亦從本已來無有我人但
以內心見有我人內心起時吾必被害則名為
害五百比丘自悟本心如夢如幻於夢幻中無
有我人乃至能生所生父母於是五百比丘同
聲讚言文殊大智士深遠法源底自手握利劍
持通如來身如劍佛亦亦一相無有二無相無
所生是中云何殺天衣盡去作麼生說箇如劍
佛亦亦若明此箇因緣故能縱遇鋒刃常坦然

事實二

七

假鏡毒藥也閑閑

蘊空至亡身

師子尊者因到富國王仗劍問曰師得蘊空不
對曰已得王曰既得蘊空離生死對曰已離
王曰就師乞頭得否對曰身非我有豈况頭耶
王便斬之白乳高丈餘王臂自落

布跋泥途

因果經云爾時普光如來既授記已猶見善慧
作仙人驢披鹿皮衣如來欲令捨此服儀即便
化地以為淤泥善慧見佛應從此行而地濁濕

心自念言云何乃令千輻輪足踏此而過即脫
皮衣以用布地不足掩泥仍又解屐亦以履之
如來即便踐之而度因記之曰汝後得佛當於
五濁惡世度諸人天不以高難亦如我也

寶子

涅槃經中有王子寶子

我師得見至忍辱仙

琪注非獨我今修此忍辱乃至十方諸佛釋迦
如來盡皆修此忍辱苦行也所言然燈佛者世
尊因地為雪山童子時值然燈如來出世將五

事實二

八

三

百金錢親買蓮花往彼獻佛願我成等正覺然
燈如來為其授記汝於來世當得作佛另釋迦
牟尼說法度人與我無異故云我師得見然燈
佛也忍辱仙者世尊因地為忍辱仙人在於山
中修諸苦行值歌利王與諸宮人入山遊獵王
晝寢時時諸宮人各去遊山忽見庵中有一仙
人儼然獨坐是諸宮人俱往瞻仰王問諸近臣
宮人何在左右奏曰往彼仙人庵所也王怒躬
自仗劍殺彼仙人於其手足節節肢解時彼仙
人神色不動王恠而問曰我今殺汝汝還嗔否

答曰否王曰汝雖不言必懷嗔怒答曰我心若
嗔不得平復我心不嗔使我此身平復如故言
訖即時仙人平復如故王見甚異驚怖而走至
於中路天降風雨霹靂雲霧迷失道徑終不能
去迴入山中至仙人所求乞懺悔也乃至捨身
餉餓虎割肉濟飢鷹已至種種苦行非止一劫
故云多劫曾為忍辱仙也

幾迴生至無定止

琪注此乃真覺傷嘆之辭也未發菩提心已前
經無量劫受無量身生死海中浪自出沒無有

事實二

九

了時於不還境上空受輪迴向無脫法中妾生
纏縛如春蚕之作繭似秋蛾之赴燈以二見之
絲纏無明之質以無明貪愛之翅撲生死之火
輪從生至死無有休息如蠅繫飛鳥放去又還
來故云幾迴生幾迴死生死悠悠無定止也

長夜冥冥

三祖大師云又居暗室未觀慈光大夜長居豈
不思晚必須志身為道如救頭然泡幻難期寸
陰可惜方寸之內自有法身淨土恒沙功德無
極光明取相障感對面不見

信脚行

寒山詩曰千生萬死凡幾生生死去來轉迷盲
不識心中無價寶猶如盲驢信脚行

積骨如山

處胎經云吾從無量劫出入生死路純作白狗
身積骨億須彌况乃雜色狗其數不可量昔故
攝其心不貪著放逸

自從頓悟至何憂喜

琪注自從頓悟了一切法皆悉無生則於諸榮
辱之境有何憂喜良由至人於生死界內得其

事實二

十

自在故寒山詩云在生說送終天地為棺槨吾
歸此有時唯須一番箔死作餒青蠅吊不勞白
鶴鐵著首陽山生廬死亦樂若得其旨即頓悟
了無生也於諸榮辱何憂喜者既能頓悟無生
生死尚得自在即知榮辱之境則可外矣榮辱
既忘憂喜之心從何而有

魚成

梁攝論云間熏習與賴耶識中解性和合一切
聖人以此為因

入深山至長松下

養病顏

琪注入深山者非僻閑之處也佳蘭若者具足
應云阿蘭若即僧舍也岑峯者即山之高阜也
長松下者即物外優遊之地見性之人隨緣度
日任性逍遙或入深山或居巖谷隨處建立應
物無方無不可也白雲青嶂松下水邊皆道人
之境界也

寒山詩云限巖人笑我我自養疎慵採栗隨時
拾麻衣破處縫竹深煙暮暮澗澗水溶溶與理
誰相訪孤雲到砌重

事實二

十一

斷雲還

陶潛云雲無心而出岫鳥倦飛而知還

心猿至調意馬

息心銘云識馬易奔心猿難制教云心猛如猿
意識馳散如馬脫勒如馬因調師而自調伏分
別意識因定慧力而自寂靜

優遊靜坐至蕭灑

琪注優遊者不拘繫之兒也出家之上識心達
本優遊三界脫洒四生不為塵勞繫絆逍遙自
在靜坐安居故靈寶云出家兒得與度尊貴得

與壁高尚萬象位高而不抱五侯門峻而不趨
目對千山心開一境重重品樹垂陰善吉之門
疊疊溪雲布彩維摩之室此中相見豈不披哉

行藏

語士用之則行捨之則藏

覺即了至法不同

琪注覺了一切諸法即不施有為功行也有為
功行非究竟也故寒山詩去我見轉輪王千子
常圍繞十善化四天莊嚴多七寶七寶鍊隨身
莊嚴甚妙好一朝福報盡猶若棲蘆鳥還作伴

事實二

十二

七

鎮盡六趣受業道况復諸凡夫無常豈長保以
此而知有劫之功功皆無常無功之功功不虛
弃故云一切有為法不同也

半夜時

遠觀禪師問明安洞山設五位居臣明什麼邊
山云明父母未生時消息云如何是父母未生
時消息山云夜半正明天曉不露

拾似風

龍牙道禪師六君若隨緣得似風吹砂走石不
勞功但於事上通無事見色聞聲不用聲

住相布施至射虛空

琪注住相布施者不與般若相應為著相故成
有為功行非究竟故古德云若般若不修萬行
虛設所修功行不能稱性也所言布施者運心
廣大之謂布施已惠人之謂施故曰布施也即
六度之一度也生天福者所感果報只生天福
也生天之福終非究竟譬如仰箭射虛空終不
至云也

拂石

祖庭云梵語劫波此云時分一云長時據炭經

事實二

十三

云以二事論劫一云有一大城東西四千里南
北四千里滿中芥子百歲諸天下來取一芥子
芥子盡劫猶不盡又有一大石方四千里百歲
諸天下來著羅縠衣拂石石盡劫猶未盡
勢力盡至不如意

琪注仰箭射空勢力既盡終墜於地人天福謝
亦復如是所謂人間四相天上五衰皆福謝之
相也所言四相者一生相二老相三病相四死
相五衰者一花冠墮地二目睫潤動三眷屬離
散四身光自滅五不樂本宮也招得來生不如

意者古德去人天福報為三生冤人罕知之良由世人因其福力不明其本就上增添以此世福恣情娛樂臨命終時福盡業在反墮惡道受種種苦招得來生不如意也

圖辟

圖圓周時獄名元刑曰辟五刑有大辟六辟之屬二百也五刑墨劓剕宮火辟也

歡園

經律異相云切利天居須彌頂王名釋提桓因有大歡喜園廣遼園盡樂園寶樹行列奇鳥和

事實二

十四

為諸天共坐樹下以為歡樂

三輪

九勝金剛般若經疏云施者受者所施之物是三輪也又教中身口意為三輪也

早似無為至如來地

琪注故知諸位小乘人天福報有為之法皆非究竟也早似無為實相門一起直入如來清淨覺地也此之一路從來千聖不曾踏著向第二門中略憑言說所以西竺初祖云法本法無法無法法亦法今付無法時法法何曾法則法法

絕待盡皆照體獨立如指不自觸如刀不自割如地不自堅如水不自濕如火不自熱如風不自動如眼不自見如耳不自聞如鼻不自嗅如舌不自了如身不自覺如意不自知所以云若眼作眼解則生眼倒若眼作無眼解即生無眼倒若執有眼即迷其無眼由有眼故則妙見不通故經云無眼無色復有迷眼作无眼者即失其真眼如生盲人不能辨色故經云辟如眼敗之士其於五色不能復利諸聲聞人亦復如是唯其如來得真天眼常在三昧悉見諸佛國土

事實二

十五

以不二見故即不同凡夫所見悉能見故即不同聲聞所見不同凡夫所見謂之超凡不同聲聞所見謂之越聖既能超凡越聖即達佛之知見故云一起直入如來地也

龍門

水經云鍾鎬出鞏穴三月則上度龍門得度為龍矣否則點額而還高鑿龍門或曰禹門

但得本至舍寶月

琪注若得其本末可知也古德去今之講者偏彰漸義禪者唯播頓宗禪講相逢胡越之隔由

我今解此至終不竭

是人與法兼注為人病意既本末而難見文乃
浩博而難尋然而汎學雖多秉志極小以本攝
末則可知矣故云但得本莫愁末也如淨瑠璃
含寶月者瑠璃喻法身妙境寶月喻般若真智
境智冥合瑩徹十方燦燦靈光騰今騰古猶如
瑠璃盤內更盛明月也

珙注如意珠即摩尼寶也唯此一珠具諸功德
於諸寶中此寶為上利用如意可喻心寶也經
云獨王頂上有此一珠不妄與人此之一寶非

事實二

十六

四生六類拾遺

從外得但猶一切眾生妄念蓋覆不能明現古
德去僻如衣下明珠雖明不照似宅中寶藏似
有如無今日永嘉解此一珠賑濟有情用无窮
盡故云終不竭也

楞嚴經云一卵生魚鳥龜蛇二胎生人畜龍仙
三濕生含蠢蠕動四化生轉蛇飛行五有色休
野精明跋去休為三光外為等慧一切精明神
物皆精耀也六无色空散消沉跋去即無色界
外道類也七有想神鬼精靈跋去其神不明而

想水心花

幽為鬼其精不全而散為靈八无想精神化為
土木金石九非有想彼蒲盧等異質相成疏云
如彼蒲盧本為桑蟲非有蜂想而成蜂想于非
无想如土梟等附塊為兒及破鏡鳥以臺樹果
拖為其子疏云土梟之類因土塊毒果成形非
无鳥想而本无想 又六類即六趣見珙注

行願品云以大悲水饒益眾生即能成就諸佛
菩薩智慧華葉云云
江月照三何所為

事實二

十七

珙注入夜月華窻底自有時松韻抗根清此箇
消息設使千聖出與具无礙辯才也說不反放
一線道且向連化門中略憑話會強而言之此
是文殊普賢大人境界一切眾生雖在其中而
不自知諸小乘人不能趣向也此之境界不凡
不聖雖難可見只在目前山高海闊栢短松長
柳綠花紅鸞鳴鶴唳江月照松風吹水夜清膏
何所為若是卒分道人一覺直到天曉也

馬生角

史記燕太子丹西質於秦秦王不禮丹乃史歸

秦王曰待烏頭白馬頭生角當放子歸天子仰天而嘆烏馬之白頭馬馬之生角秦王大驚乃

遺丹

佛性戒珠至體上衣

琪注般若是一法佛說種種名或謂之佛性或謂之戒珠或謂之心地或謂之心印皆一法也隨其功用各得異名能覺知故名曰佛性空淨无垢名曰戒珠能生諸法名曰心地号令群品名之曰印也雖有三名而無三法以此而推森羅萬像觸目遇緣器界山河皆同一體露露空

事實二

十八

霞盡非忙物故曰霧露雲霞體上衣也

碧眼

祖庭云初祖達摩大師眼有紺青之色故稱祖

曰碧眼

降龍鉢斛虎錫

琪注鉢盂錫杖皆道具之名也鉢盂即應量器也錫杖者振作錫聲也所言降龍鉢斛虎錫者各隨緣起而得名也降龍鉢者因世尊降火龍外道也昔者有三迦葉投佛出家退失道心侍火龍外道佛觀其根性既熟即往度之爾時往

彼求宿時迦葉言此無空空可宿唯有大龍石窟還可宿否佛往彼宿是時中夜大龍現神通

鼻中出煙鱗甲生火遠巡熾然欲害於佛爾時世尊即起慈心現三昧火漸漸明瑩火龍盡火反自燒身无處逃避唯見世尊寶鉢之中清涼廣大乃自投身入於鉢內故名降龍鉢也解虎錫者始因高僧綱禪師在懷州王屋山習定見二虎闕即以錫杖以中解之二虎各自分去遂此名焉故云降龍鉢斛虎錫也

兩鉢全球鳴歷歷

事實二

十九

蓋

琪注兩鉢者表真俗二諦也六鐻者表六波羅密也中心表中道也鳴歷歷者振錫之聲也上士聞之即可入道小乘錫杖即四鉢十二環也四鉢表四諦也十二鐻表十二因緣中心浮圖表住持三寶也忽若在衲僧手中如何表示只如大師當時持往曹溪親見六祖遮禪床三匝大振一下且道成得箇什麼邊事明眼衲僧試定當看

指南

古今注云黃帝與蚩尤戰於涿鹿蚩尤作大霧

迷於四方帝在車以指指南而示之卒擒出元而斬之遂号指南車
不是標形至親蹤迹

琪注不是外現威儀標其形體虛然自謂任持也故寶公云丈夫運用堂堂道遠自在無妨一切不能為害堅固猶若金剛豈虛事持也如來寶杖親蹤迹者經云佛告比丘汝等應受持錫杖所以者何過去如來現在諸佛皆執持故為聖人之標識也故曰如來寶杖親蹤迹也如或不薦問取德山老人

事實二

二十

又看迦葉

祖庭云迦葉已滅意根圓明了知不妨作用故維摩云不起滅定而現諸威儀即斯義也
不求真至空无相

琪注不求真故越凡夫法也不斷妄故越二乘法也二乘之人弃妄求真斷煩惱求菩提證有為涅槃故非究竟出離之道也大乘之人更不求真亦不斷妄則知真妄二法本无相狀故寶公云也无頭也无手世界壞時渠不朽故云了知二法空无相也

試將金屑

古德云金屑雖貴落眼成翳

无相无空至真實相

琪注上句展轉拂迹下句直明真諦也因上所言不求真不斷妄了知二法空无相永無切恐後人落在空无相中故有此顯示也言無相者即无諸事法也无空者即无諸理法也无不空者則能遣之法亦空也即是如來真實相者即入如來無相微妙法門也

普眼當時

事實二

二十一

世尊因普眼菩薩欲見普賢不能得見乃至三度入定徧觀三千大千世界竟普賢不能得見而來白佛佛言汝但於靜三昧中起一念便見普賢普眼於是緩起一念便見普賢向空中乘六牙白象

心鏡明至周沙界

琪注心鏡既明鑒物无礙傳曰諸智慧者以譬喻得解明心之士其心猶如明鏡能攝眾像盡入其中無有空礙清淨含容無有遮障古德云打破鏡來與汝相見盡十方世界是一面鏡直

向什麼處下手若向這裏得靈光透漏無量
覆處故去廓然瑩徹周沙界也
振尾上南山

靈峰士南山有一條龍鼻地汝等諸人出入好
看

萬像森羅至非內外

珙注在天燦然仰而觀之謂之萬像在地卓尔
俯而察之謂之森羅傳曰森羅及萬像一法之
所印豈從外得取只在一切衆生一念心光影
現之中故去萬像森羅影現中也一顆圓光非

事實二

二二二

樂

內外者一點光明無表無裏靈明坦赫瑩徹十
方無有內外故肇法師云會萬物歸於自己者
其惟聖人乎

一毛畢

夾山和尚云一毛師子全身搖是

豁達空至招殃禍

珙注豁達空者乃西天外道所修斷滅空也按因
果者一向著空撥無因果也故知世出世間人
天一切因果善惡等業毫髮不差經云假使百
千劫所作業不忘因緣會遇時果報還自受且

喪家狗

外道不知此法故迷因果也既落斷滅之見所
招殃禍不可言說譬若大海滂滂蕩蕩元有邊
表故云滂滂蕩蕩招殃禍也

喪人云東家之孔丘其狀離離如喪家之狗喪
失也

并有著空至而投火

珙注若弃其有見而著无見則其病亦然也故
古德云便擬疑心斂念攝事歸空不瞬不動閉
目藏睛隨有念起即便破除細想纒生即便過

事實二

二二三

樂

捨如斯見解正是落空亡底外道魂不散底元
人故去并有著空病亦然也譬如有人避大水
之弱而投火燧之中故去還如避溺而投火也

夜未央

壇經云五祖夜至三更喚慧能堂內便傳頓教
及衣汝為第六代祖善自護念廣度迷人衣將
為信稟代代相承法即以心傳心當即自悟
金山元云衣鉢纒傳慷慨行渡江南去月三更
雖頭利

古德云只見雖頭利不見鑿頭方

捨妄心至成巧偽

琪注若捨虛妄之心欲取真如之理則取捨之心成巧偽之行也取一邊捨一邊徒增妄慮執自性逃自性轉失真源其有空有兩忘一味雙現居斷絕地即煩惱根信不誣矣故羅山云癩食易飽細嚼難飢根本老殊良由自錯學般若之人到此切須子細體究

木女

寶鏡三昧歌云木女方歌石人起舞非情識到寧容思慮

事實二

二十四

雙

半減半生

忠國師問僧南方知識說法如何僧云知識皆云一切衆生皆有覺性遍於身中捏頭頭知捏脚脚知故名正遍知身有生滅心無生滅師云此哉南方知識說法半生半減半不生滅我此間身心一如身外無餘

登木望芙蓉

古德云敵水充火緣木求魚

學人不了至持爲子

琪注學般若之人不了心地法門而修有爲功

損法財至心意識

行皆非究竟盡屬有爲正在生死岸頭如楞嚴十種修禪與諸不了義權位行人皆未能出離也良由以取捨虛偽之心而謂修證無上菩提猶如世人認賊爲子欲其親的無有是處故云深成認賊將爲子也

琪注既認賊爲子法財功德如何保任盡皆失去故曰損法財滅功德也莫不由斯心意識者對境覺知異乎木石名之曰心心等量名之曰忘了了別知名之曰識也以此三法逐流種

事實二

二十五

一爲媒

種行造作種種業皆由此也傳曰心異則千差竟起心平則萬法坦然心染則六道四生心空則一道清淨故曰莫不由斯心意識也

寒山詩云我有六兄弟就中一箇惡打伊又不得罵伊又不著處處無奈何貪財好姪殺

以禪門至知見力

琪注上來所修皆是無益苦行固非真實也唯般若一法方爲究竟大般若經云甚深般若波羅蜜多是諸佛母能示世間諸法實相出家之

士得不盡心於此是以塞門大師警策凡第六
一等是踏破草鞋行脚拋却父母師長直須著
些子眼睛始得若遇本色咬猪狗手脚不惜性命
入泥入水相為有可咬嚼脰上眉毛高掛鉢裏
一十年二十年打取徹去莫愁不成辦從上諸
聖無不激發勸於此箇門中用心故六是以禪
門了却心頭入無生知見力也

大丈夫至金剛敵

琪注世間之士有慷慨之志秉鐵錘之刃以忠
孝之心仗贊明君威武天下謂之丈夫今言大

靈實二

二十六

丈夫者具出世之大智秉智慧之劍以般若為
鋒盤以金剛為猛銳破煩惱細出生死境界故
云大丈夫也傳曰雖女人孺子有此志者亦名
大丈夫雖八尺巍巍之士無此志者不名大丈
夫也所言金剛者金中最剛故曰金剛極堅極
利喻般若為堅故萬物不能摧利故能摧萬物
唯帝釋有之福薄者難見其為用也欲擬皆空
擬山即山崩擬海即海竭其功力不可思議故
喻般若也
非但能摧至天魔膽

戴金鉢

琪注但猶獨也非獨推伏西竺六師外道之心
早曾落却天魔膽也寶星經云有一魔王於眾
魔中而為上首即於平日以手按地大千世界
悉皆搖動佛成道時領諸魔眾欲於佛前以手
拍地幸須彌山惱害世尊即入慈心三昧是時
魔王方乃舉手尚不見地何況摩觸是時魔王
喪膽驚懼而走故云早曾落却天魔膽也

付法藏傳云優婆塞多時為尼乾名薩遮智慧
淵妙論議絕倫深生貢高擅步天下銅錄菜經

靈實二

二十七

壽

膜首戴一金冠滿盛大火而作是言吾智盈滿恐
出於外世間昏暗無所覩見欲以光明照破陰
宮音冥眾生

靈山據坐至白迴去

外道問佛不問有言不問無言世尊據坐外道
歎云世尊大慈大悲開我迷雲令我得入外道
去後阿難問去外道有何所證而言得入佛言
如世良馬見鞭影而行

震法雷至濃甘露

琪注般若是一法佛說種種名或謂之慧劍或

謂之法雷或謂之法鼓或謂之慈雲或謂之甘露即是一法隨其功用而得名也龍破疑細極堅利故謂之慧劍也駭動物機增長善芽故謂之法雷也聚果人天善能号令故謂之法鼓也能蔭履群生皆得清涼故謂之慈雲也能濟熱惱浚魚渴故謂之甘露也皆般若一法爾

九坂

文選云飄飄九坂廣雅云九天之際曰九坂九天之外曰九坂字說云天子之田曰九坂

龍象蹴踏至皆醒悟

事實二

二八

琪注龍象蹴踏之所固非驢騾所踐之地也三象者一菩薩二聲聞三緣覺乘也五性者一善性二惡性三定性四不定性五間提性也三乘五性醒悟且置忽遇三種病人未還接得否愚音者拈提豎拂他又不見患聲者語言三昧他又聞患聲者教伊說又說不得且作麼生接若接此人不得佛法無靈驗昔人雖有此語華秦時機不薦曾有僧請益雲門師云汝禮拜著僧禮拜起師以拄杖拄僧退後云汝不是愚音復喚僧近前來僧近前云汝不是愚聲乃去會

麼僧云不會云汝不是患聲其僧忽於言下有省薦得這箇說話何止三乘五性音聲瘡瘡悉皆醒悟直是須教盡大地人普請作佛去還委恁麼然雖如此若是明眼衲僧也須子細詳辨

雪山肥膩至我常納

琪注西竺雪山有草名曰肥膩潔淨香美白牛食之所出皆成醍醐上味非此間腥羶雜血之乳其不潔也雪山喻一真妙境香草喻圓修八正道牛喻照理真智醍醐喻一乘妙法以明菩薩不從漸次而修也大衆根性從初發心便成

事實二

二九

正覺所言我常納者即學般若之上念念與般若相應也故下文舉法皆入重重無盡事事元礙境界也

到三孫

傳燈錄云釋迦牟尼佛賢劫第四尊姓刹利父淨飯王名曰勝善天人亦名護明大士又云第二十八祖菩提達磨者南天竺國香至王第三子也姓刹利帝利本名菩提多羅云云

寒山撫掌笑豐干

傳燈錄云天台豐干禪師云云後迴天台示滅

初聞丘公出牧丹丘師曰到任記謁文殊普賢
公曰此二菩薩何在師曰國清寺執爨洗器者
寒山拾得是也公拜師乃行天台寒山子者客
貌枯槁布衣零落以樵皮為冠或木屐時來國
清寺就捨得取與僧殘食兼淨食之後聞丘公
入山訪之寒山復執閭丘手笑曰豈于饒舌
性圓通至一切法

琪注一性即一真之性也一法即一心之法也
一性圓通一切性者即一性圓通法界性也一
法遍舍一切法者即一心之法遍舍無盡法界

壽實二

三千

卷

也壽禪師云本生末而未表本體用又與真成
俗而俗立真凡聖交映此顯彼而彼顯此主伴
齊參生成佛而佛度生因果交徹境無目性而
佗成自心無自性而自成他理不成就而一即
多事不成就而多即一相雖虛而恒真一體性
雖實而常在萬緣雖顯露難以情求任超然而
無方大用縱橫幻境在一性而融真是以八十
卷華嚴大經所說非昔有而今無也傳曰三十
九品之勝典終始交羅一十萬頌之妙言前後
參應十處十會如帝網之重重十刹十塵如鏡

芥納須彌

像之涉入舉一門則諸門頓顯談九品則諸品
齊彰道樹始成九天同會普光一集十處諸登
新舊無差前後一念故末山尼先聽大經後因
參有悟入方信即今現在華嚴法界之中有頌
云五藏山頭古佛堂毗盧晝夜放毫光若能於
此非同異即是華嚴遍十方故云一性圓通一
切性一法遍舍一切法也

壽禪師云海水入毛孔者識得海水真性即是
毛孔真性故芥納須彌者一切衆生无明心即

事實二

三十一

是佛心是名須彌入芥子

一月普現至一月攝

琪注一月普現一切水者如青霄一月普現沉
河池沼滄海濼潭等凡有水處悉皆現也一切
水月一月攝者衆水所現唯天上一月余華嚴
一月三舟譬喻經云譬如傳舟分於月影舟從
東去一月往東舟從西去一月往西舟從南去
一月往南舟從北去一月往北常住之舟見月
不動如是四維十方盡皆見月所以云並女千
器千月不同一道澄江一月孤影乃至淨水纖

水清水濁水甘甜苦澁鹹淡等水如是於中一
時普現經云我成道時見一切眾生盡皆成道
傳曰諸佛清涼月常遊畢竟空眾生心水淨菩
提影現中信斯言也

亭亭

文選云亭亭微明貌也

未透清流

僧問雲門佛真法身猶若虛空應物現形如水
中月是否師云清波無透路僧云和尚從何得
師云再問復何來僧云便伊麼去時如何師云

事實二

三十二

重疊關山路
諸佛法身至如來合

琪注眾生心內諸佛念念證真諸佛心內眾生
心心作佛故士諸佛法身入我性我性同共如
來合也良由諸佛親證法身眾生本具法身也
前溪云眾生理具諸佛事成成之與具莫不性
等故云我性同共如來合也故寒山云常聞釋
迦佛親受然燈記然燈與釋迦祇論前後智前
後體非殊異中無有異一佛一切佛心是如來
地即其謂也

穿耳胡僧

謂達磨也然穿耳非佛制之稱蓋炭梵人之相也

一地具足至非行業

琪注上文自一性圓通一切性言無礙之性也
一法遍舍一切法言無礙之法也一月普現一
切水言無礙之喻也今言一地具足一切地言
無礙之功德也所言地者地以能生為義即初
地具足十地功德故士一地具足一切地也言
非色非心非行業者既一地具足十地功德其
功不可思議則色心行業不可測度也非色者

事實三

三十三

非空礙之色也非心者非覺知之心也非行者
非遷流造作之行也非業者非所造之業也今
為現其法性所以拈情故下文以明妙用也

潘處士至倒騎驢

潘闌詩云長愛三峰掉大虛迴頭吟望倒騎驢
傍人大笑從他笑終擬移家向此居

禪指圓成至三祇劫

琪注一禪指頃成就八萬法門一剎那間能滅
三祇劫罪也一念真心起八萬障門開今既悟
入元生之理八萬四千煩惱轉成八萬四千清

淨解脫法門即起三大阿僧祇劫此修行功力也故楞嚴經云消我億劫顛倒想不歷僧祇獲法身深可信矣所言三祇劫者即三阿僧祇劫也自古釋迦至尸奔如來為一劫尸奔至然燈如來為二劫然燈至毗婆尸如來為三劫故云三祇劫也此事且置祇如禪月士禪客相逢祇彈指此心能有幾人知如或未知落處阿誰敢稱禪客

一切數句至何交涉

琪注一切名言法相菩提涅槃真如解脫非有

事實二

三十四

三

非無非凡非聖頭數法門元有窮盡實非究竟故云一切數句非數句也故藥山初參石頭便問三乘十二分教某甲粗亦研竊嘗聞南方直指人心見性成佛特來禮拜伏望和尚慈悲開示師云恁麼也不得不恁麼也不得恁麼不恁麼揔不得若薦得這箇因緣許你出荆棘林具衲僧眼故云與吾靈覺何交涉也

明州布袋

明州奉化縣布袋和尚者未詳族氏常以杖荷一布袋凡隨身之具盡貯囊中入鄞肆聚落見

物即乞有時拈起乳蕉片云這箇是危率陀天底又拈起乳屎攤云這箇是彌勒內院底又偈言彌勒真彌勒分身千百億時時示時人時人自不識具見傳燈本錄

不可毀至勿涯岸

琪注毀譽不動者唯見性之人方能解脫也未了之人於一切順境聞讚譽之言即心生歡喜於一切逆境聞毀辱之言即心生忿怒皆不了語言性空也達法之士了毀譽之言皆不可得與法體相應猶如虛空勿有涯岸故云不可毀

事實二

三十五

不可讚體若虛空勿涯岸也

天兵魔后

佛藏經云按本行經於金剛座上放大光明照耀魔宮魔王親光明身毛皆豎恐怖不安又聞空中聲曰釋迦成道誓度眷屬令一切空渴魔王聞聲更轉問純先遣三女媚惑世尊各呈妓態欲動佛心佛以神力化彼三女成三老母致蓮顏變醜不可觀更召百萬海神等或擊戴山石裂面變形或降雹與雲吞龍騎象拋石摧山空中屹然便住魔王執劍親斬世尊手繞舉劍

善吉

時劍寸寸斷魔王倒地良久方蘇世尊慈悲乃說偈言我經無量劫修成金剛身縱魔滿大千不能動一毫魔知身不如唯發歡言希有世尊

祖庭士善吉乃須菩提也誕生之時祥光滿室相者古之曰惟善惟吉故云善現又云善吉也

憍尸設把天花散

憍尸帝釋姓也須菩提嚴中宴坐帝釋雨花讚歎須菩提云雨花者是誰帝釋云我是梵天見尊者善說般若所以讚歎須菩提云我於般若

華實二

三十六

未曾說一字帝釋云尊者無說我乃無聞無說無聞是真說般若

十聖三賢

十聖者十地聖人三賢者十住十行十迴向也不離當處五不可見

琪注佛身充滿於法界普現一切群生前即是不離當處常湛然也謂此靈覺之性不離十二時中見聞覺知若離見聞覺知之外別求覺性即無有是處祖師士將心覓心豈非大錯敢問諸人阿那箇是當處若向這裏覓得破去與下

取不得至祇麼得

方諸佛同共受用等无有異如或不然盡是理沒家寶草負已靈隨行數墨護自推求古德云譬如騎牛討牛無有是處故云覓即知君不可見也

琪注靈光洞達無所不遍諸佛悟之而不曾得衆生迷之而未嘗失傳曰譬如有人桶空而足雖則而走且步步不離於空於彼求空了不可得故云取不得捨不得也不可得中祇麼得者此之宗旨當於聞思修體究而自得之經云佛告

華實二

三十七

沙門汝處于家昔為何事對曰亦當彈琴彈舌絃緩如何對曰不鳴矣絃急如何對曰其擊絃矣急緩得中如何對曰清音普矣佛告沙門學道亦然心若調適道可得矣故曰不可得中祇麼得也若是明眼衲僧應不錯舉

白拈賊

臨濟示衆云汝等諸人赤肉團上有一無依至人常從汝等諸人面門出入未識據者看看彈有僧云如何是无位真人際下禪床裏有僧云云元位真人是什麼乳屎塚雪峰問云臨濟大

似白拈賊
鷲子

編衣禩

舍利弗此云鷲鷲子母眼如鷲鷲故稱名焉
維摩詰室有一天女見諸天人聞所說法便現
其身即以天華散諸菩薩大弟子上花至菩薩
即皆墮落至大弟子便著不墮一切弟子神力
去花不能令去爾時天女問舍利弗何故去花
蒼曰此花不如法是以去之天女曰勿謂此花
為不如法所以者何是花无所分別仁者自生

三十八
出經

分別

默時說說時點

琪注默時說者即是默時常說也僧問投子如
何是十身調御投子下禪床立且道說箇什麼
是知默時常說說時常默也如卅尊說法一切
經首皆有妙旨人字知之如金剛經云爾時世
尊食時著衣持鉢入舍衛大城乞食於其城中
次第乞已還至本處飯食訖振衣鉢洗足已敷
座而坐時長老須菩提在大眾中即從座起偏
袒右肩右膝著地合掌恭敬而白佛言希有世

尊如來善護念諸菩薩善付囑諸菩薩又圓覺

經云一時婆伽婆入於神通大光明藏三昧正
受一切如來光嚴住持是諸眾生清淨覺地身
心寂滅平等本際圓滿十方不二隨順於不二
境現諸淨土如楞嚴經云即時如來敷座宴安
為諸會中宣揚深奧法筵清衆得未曾有迦陵
仙音徧十方界故默時常說也說時默者一大
藏教金口所宣未曾道著一字經云始從成道
夜終至波提河於是二中間未曾說一字且道
畢竟是有說無說耶所以天衣去若言有說諸

事實二
三十九

如來若謂不談邪見在若向這裏觀得破方可
稱唱宗風提綱祖令也

大施門開無擁塞

琪注諸佛出世說法普令一切眾生成佛為大
施主度脫有情故云大施門開也乃至西竺諸
祖各各說法利樂有情以至唐土諸祖天下老
宿巧便施設種種法門所以雪峰轉越石磴架
箭天皇錮餅團師水梳雲門三句洞山五位靈
雲見桃花法眼透聲色首山新婦道吾樂神瀉
山水拈汾陽師子百丈捲席俱脰一指皆諸善

知識大施門開也古德云盡十方世界是箇解脫門把手拽不入有何擁塞耶故云大施門所元擁塞也

步行騎馬

傳大士頌云空手把鋤頭步行騎水牛人從橋上過橋流水不流

有人問我至般若力

琪注若或有人問我解何宗旨報通摩訶般若力也梵語此云大多勝即多舍不翻也梵語般若此云智慧即生善不翻也言摩訶般若者信

事實三

四一

解則位齊諸祖受持則福蓋人天故傳曰故知般若善惡徑之導師迷暗室之明炬生死海之智楫煩惱病之良醫破邪山之大風敲竟軍之猛將照幽途之赫日驚昏識之迅雷扶愚音之金篦汲渴愛之甘露截疑網之慧劍給孤之寶珠若般若不明萬行虛設故云摩訶般若力也

謝三本是釣魚人

傳燈錄云玄沙宗一大師法名師備福州閩縣人也姓謝氏幼好垂釣泛小艇於南臺江狎諸

漁者唐咸通初年甫三十忽慕出塵乃弃釣舟投芙蓉靈訓禪師落髮云云 又玄沙和尚是謝家第三子也

或是或非至天莫測

琪注般若之力既得現前以大悲心入塵垂手接物利生縱橫應用種種施為皆為佛事譬如著婆瓠草信手拈來皆為妙藥故經云得念失念无非解脫成法破法皆名涅槃智慧愚癡通為般若菩薩外道所成就法同是菩提元明真如無異境界諸戒定慧及煩惱癡俱是梵行故

事實二

四十一

五

黃輿

云或是或非人不識逆行順行天莫測也

宋玉大人賦云地方為輿天圓為蓋天地玄黃故云黃輿

折鍾

莊子云用管窺天用錘指地

南明泉和尚頌證道歌事實卷第二

南明泉和尚頌證道歌事實卷第三

吾早曾經多劫修不是等閑相誑惑

琪注永嘉自云我今於法受用得其自在莫非宿有般若種性豈是等閑之事嘗談論之曰佛道長遠大受勤苦乃可得成今永嘉纔往曹溪便悟般若便能說法利人耶假饒有人致難問我我即報言吾非今生一世所修乃至非三四五劫修習般若故云多劫修也既是多劫修習非是等閑以言欺誑惑亂汝等故云非是等閑

事實卷三

一六

相誑惑也

蒸沙

首楞嚴經云如蒸沙石欲成嘉饌縱經塵劫但名熱沙不名為鉢

虎皮羊質

揚子云或曰有人焉自姓孔而字仲尼入其門外其堂伏其几襲其裳則可謂仲尼乎曰其文是也其質非也敢問質曰羊質而虎皮見草而悅見豺而戰忘其皮之虎也

連法幢至曹溪是

○南明泉和尚頌證道歌事實

琪注諸佛出世以至天下老和尚出世皆是連大法幢豎立宗旨也明明佛勅曹溪是者祖師

從西土至此土傳至六祖其所建立已成法席矣非獨諸佛真加宿受記別而弘大事乃從我佛釋迦如來親傳心印至於曹溪故云明明佛勅曹溪是也所言法幢者幢以建立為義也故知建立法幢實非小緣諸佛出世為大事因緣皆為此也無量菩薩帶累行因亦為此也諸二乘人內藏菩薩行外現是聲聞亦為此也以至梵王前引帝釋後隨亦為此也諸經皆以一

事實三

一七

法為主眾法為伴迥相建立也故下文明西竺此土建立法幢之義也

降搗

祖庭云猶稱揚也

經用至帝帽

多穀子曰席帽羌服以羊皮為之秦漢觀以古席女人亦服之四緣垂網子歸以珠翠謂之華帽煬帝幸江都御紫霞殿欲見女人姿容令去網子云云新金朝陽集獅猴帶席帽不是作詩人檀子云魯夫人之臨為吊也自敗於臺始始

第七八冊

四一

也注敗臺給時家家有衰鞋而相予去緩而給
陸類篇曰緩謂以縑布鞣給給吉詒切束鞋也
八臂那叱

毗沙門天王第三子也圓悟云林濟正法眼藏
透出三頭六臂念起那叱暮破金鍾設把神通
遊藏

第一迦葉三西天記

琪注始自世尊靈山會上以青蓮目瞬視迦葉
微笑吾有正法眼藏分付摩訶大迦葉是最初
傳法故云首傳燈也二十八代西天記者初祖

事實三

三

迦葉傳二祖阿難阿難傳三祖商那和修修傳
四祖優波毘多傳五祖提多迦迦傳六祖彌
迦迦傳七祖波須密密傳八祖佛默難提提
傳九祖伏默密多傳十祖脇脇傳十一祖富
那夜奢奢傳十二祖馬鳴鳴傳十三祖迦毗摩
羅羅傳十四祖龍樹樹傳十五祖迦那提提
傳十六祖羅睺羅多傳十七祖僧伽難提提
傳十八祖伽耶舍多多傳十九祖鳩摩羅多
傳二十祖奢夜多多傳二十一祖婆修盤頭頭
傳二十二祖摩拏羅羅傳二十三祖鶴勒那

那傳二十四祖師子子傳二十五祖婆舍斯多
多傳二十六祖不如密多多傳二十七祖報若
多羅羅傳二十八祖菩提達磨故云二十八代
西天記也

糞掃為衣

付法藏傳云迦葉以鼠咬牛躑躅掃為衣小欲
知足常居萬人之下

洩天機

軋達婆王奏樂供養如來是時迦葉在座聞鐘
起舞

事實三

四

八此土至為初祖

琪注梵語菩提達磨此云覺法西竺為二十八
祖此土為初祖本南天竺國香至王第三太子
也遇二十七祖祖知其密迹發明心要乃記之
曰未可遠遊且止南天待吾滅後六十七載當
往震旦大興佛事汝至南方勿住彼唯好有為
功業不見佛理汝縱到彼亦不可久留聽吾偈
路行跨水復逢羊獨自樓樓暗渡江日下可憐
雙象馬二株嫩桂久昌昌師在本國以知見力
破彼六宗異見法師令其捨小歸大一有相宗

二無相宗三定慧宗四戒行宗五無得宗六寂靜宗各封已解別展化源累落嶂嶸徒衆甚盛大師乃喟然歎曰彼之一師已陷中迹况復支離繁盛而分六宗我若不除未纏邪見一一詰其宗旨各自知無所歸然後返本悟入大師學該三藏尤專定業非不知也師自南天竺泛海經涉三年時普通八年九月二十一日至廣州刺史蕭昂表聞武帝詔迎至金陵帝問朕即位已來造寺寫經度僧不可勝紀有何功德師曰此但人天小果有漏之因如影隨形雖有非實

事實三

五

帝曰如何是真功德師曰淨智妙圓體自空寂如是功德不以世求帝問如何是聖諦第一義師曰廓然無聖帝曰對朕者誰師曰不識帝不領悟師知機不契是月十九日潛迴江北十一月二十五日屆于洛陽當後魏孝明帝太和十年寓止于嵩山少林面壁而坐終日默然人莫測之即禪宗初祖也

五葉花

達磨傳法偈云吾本來茲土傳法救迷情一花開五葉結果自然成

六代傳衣至何窮數

琪注大師既小室九年未卜知音時有僧神光者曠達之士也久居伊洛博覽群書善談玄理每嘆曰孔老之教禮術風規疋易之書未盡妙理近聞達磨大士住止少林至人不遙當造玄境乃往彼晨夕恭承師常端坐面壁莫聞語勵光自惟曰昔人求道骸骨取髓刺血濟饑布張掩泥投崖餉虎古尚若此我又何人其年十二月九日夜天大雨雪光堅立不動達明積雪過膝師憫而問曰汝久立雪中當求何事光悲淚

事實三

六

曰惟願和尚慈悲開甘露門廣度群品師曰諸佛無上妙道曠劫精勤難行能行非忍而忍豈以小德小智輕心慢心欲冀真乘徒勞懃苦光聞師語勵潛取利刀自斷左臂置于師前師知是法器乃曰諸佛最初末道為法忘形汝今斷臂吾前來亦可在遂易名慧可光曰諸佛法印可得聞乎師曰諸佛法印匪從人得光曰我心未寧乞師與安師曰將心來與汝安光曰覓心了不可得師曰我與汝安心竟既從此悟入即為二祖也所云六代傳衣者二祖既得法於初

祖皆以衣孟相傳初祖自西竺傳衣東土以表其信至曹漢六祖其道已行更不傳衣唯傳法也遠磨傳可傳璨璨傳信信傳忍忍傳能能乃曹漢六祖也其道盛行於世謂之六代傳衣天下聞也自後得道者不可勝數故云成佛作祖者匝地普天學禪學道者如麻似粟故云後人得道何窮數

提不起
蒙山道明禪師因赴廬行者至大庾嶺行者見師至即擲衣鉢於石上云此衣表信可力爭耶

事實三

七

任君將去師遂舉之如山不動
真不立至不空空

琪注真既不立妄亦本空良由真妄本無自性因真立妄因妄立真古德云單真不立獨妄難成也有無雙遣者有無亦相待而立今既雙遣不空亦空也故云有無雙遣不空空也此之數句大師欲顯其法雙拈真妄有無之情公

白駒

淮南子曰白駒日影也

二十空門至體自同

琪注二十空門者如來破二十種執有之見因成二十空名故大般若經云所謂內空外空內空空空大空勝義空有為空無為空畢竟空無際空散空無變異空本性空自性空共相空一切法空不可得空無性空自性空無性自性空雖有二十空名其體即一法也今明法性之理不同二十之空故云元不着也一性如來體自同者向出外道六十二種異見即與般若涅槃妙心冥合故云體自同也

心是根至鏡上痕

事實三

八

琪注心是根者根以能生為義良由此心能生一切善不善法故名根也法是塵者法雖能軌持萬物猶如妙藥病若愈時藥亦無用故法是塵也此之二法皆有窒礙使人心光不能透漏如鏡上之痕也所以云云根塵觀對翳障心光返本明心良由此也

痕垢盡除至性即真

琪注痕垢若盡心法雙忘自然心光透脫明見佛性也古德云一翳在眼空花遍界一妄在心河沙生滅翳消花盡妄滅證真病差藥除水消

水在靈丹一顆點鐵成金至理一言轉凡為聖
故云性即真也

無塵未許

洞山云直鏡道本無一物亦未合得陀衣鉢

嗟末法至難調制
琪注嗟即嘆詞也世尊出世轉大法輪利益有情
正法一千年像法一千年末法一萬年六師
出世正當像法早嗟嘆如此即今則可知矣故
云嗟末法惡時世來生薄福難調制也故知末
世私道不明大旨各守門庭玄相堅執盡為法

事實三

九

法

空立三車

病故下文可見

法華譬喻品云爾時長者即作是念此舍已為
大火所燒我及諸子若不時出必為所焚我今
當設方便令諸子等得免斯害父知諸子先心
各有所好種種珍玩奇異之物情必樂著而告
之言汝等所可玩好希有難得汝若不取後必
憂悔如此種種羊車鹿車牛車今在門外可以
遊戲汝等於此火宅宜速出來隨意所欲皆當
與汝

火宅外

四行論云三界不安猶如火宅

四衢

華嚴論云廣大寶乘住四衢文殊引導普賢扶
肥壯白牛甚多力一念遍遊無卷舒如是寶乘
不能入但要勤苦門前立不覺自身常在中道
上恒言我不及

三災

大三災者水火風小三災者乃刁兵飢饉疫癘
等是也

事實三

十

險說

詩云無險說私謁之心解曰不平曰險不忠曰
諛背公曰私求請曰謁
去聖遠兮至多惡害

琪注至聖遙遠邪見轉深於正法中返生惡害
是以達磨西來擊茲服毒聖師尚余豈况人師
耶諸聖出世莫不興慈運悲接物利生魔強法
弱而於聖心不知恩德况今天下昇平日久國
皇大臣受佛付屬弘護三寶諸方法席興盛出
家之士當起難遇之心叅尋知識決擇生死以

求出離報答四思即其宜矣然而其中有雖學佛法不知有教外別傳者有身居貴位忘宿世所修而於佛法為其障礙者有雖傳持佛法各以宗派不同互相攻擊者此皆為法門魔事盡非通人若是本分當人必不如是故圭峯云諸宗門下皆有達人然各安所習通小偏多以承稟為尸牖各自開張以經論為干戈互相攻擊情存函矢而遷變法逐人我以高住致使是非分挈莫之辨拚故云魔強法弱多惡害也

聞說如來至今元碎

嘉實三

十一

三

琪注如來唯一大事因緣出現於世世有魔三雖與佛同時而不信有圓頓法門聞佛所說悉皆毀謗恨不滅除令元碎也世人有無大業根性者亦不信有悟入法門而於釋門身雖出家尚自不信故有之也古德云不可向翳目人前說空中無花不可向狂病人前說面前無鬼空廢語言應不信受直須目淨心安當自知矣

參辰

楊子曰吾未觀參辰之相比也注云參虎星辰龍星未嘗俱現

作在心殃至更尤人

琪注世人所造無量無邊之業皆妄心所作故云作在心也所感無量苦果地獄畜生餓鬼種種等形受種種等苦古德云負鞍銜鐵為誰木昔時祇為行心錯故云殃在身也皆是自作自受非他人所致故云不須冤訴更尤人也世間之苦乃止一卅地獄之苦無有窮盡劍樹刀山種種不可說若此方受盡世界壞時更移他方地獄受罪報身更生畜生驢馬皆非別人唯自作自受也

嘉實三

十二

金禪至飛雀

莊子云有人於此以隋侯之珠彈千仞之雀世必笑之何也所用者重而所求者輕云云欲得不招至正法輪

琪注謗法之罪非少過也毀般若罪業皆落地獄亦非輕計地獄皆無間地獄即極重獄也時數久遠皆論劫數謗法之報非一具如藏經所載或為九頭龜或患白癩疾等良由十方諸佛出世悉皆讚歎一乘妙法十方諸佛由證法故得成無上正等菩提今却返謗其罪宜矣故云

莫謗如來正法輪也

栴檀林至師子住

栴檀林至師子住
琪注栴檀林喻一真妙境無雜樹者無小機權位之雜也鬱密森沉者鬱密即繁茂之貌也森沉即幽邃之貌也師子住者以喻法性之境唯大乘菩薩所住人天小機即不能知故知無上般若唯接上根上士中下之機卒難悟入故云栴檀林無雜樹鬱密森沉師子住也

境靜林間至皆遠去
琪注無為大道唯大乘菩薩履踐諸小乘人與

事實三

十三

五

諸權位行人不能措足師子喻大乘菩薩也走獸飛禽喻人天二乘小機也是以法華五千退席不任此事一真妙境唯上士所遊中下之流卒難摸捺故云境靜林間獨自遊走獸飛禽皆遠去也

師子兒至哮吼

琪注所言師子兒者喻菩薩初發心時即便成等正覺也超過聲聞緣覺諸小乘眾故云眾隨後也三歲即表見性之人圓修三法也智者云空也者泯一切法也假也者立一切法也中也

者妙一切法也空不定空空處當體即空即假假不定假假處當體即空即中中不定中中處當體即空即假此之三法不縱不橫不並不別一處常三三處常一所以云三諦三觀三非三三一三無所寄諦觀名別體復同是故能所二非二也悟入之士圓證三法所說法門皆中道實相故云三歲便能大哮吼也

若是野行至虛開口

琪注野行喻凡夫二乘也師子喻大乘菩薩也菩薩之人深悟法性從初發心便成正覺所說

事實三

十四

法門悉皆稱性也二乘凡夫諸權位人不能明見佛性之者所說不明究竟實相之理猶如百年姘怪虛開口終無所益故云

狐假虎威

史記云楚宣王以昭奚恤為相諸候畏之王問群臣曰吾聞北方畏昭奚恤如何江乙對曰臣聞虎求百獸而食之得狐狐曰子無噉我天帝令我長百獸子食我是逆天帝之命子若不信我當先行子隨我後觀諸百獸見我能無走乎虎以為然隨狐而行百獸見之皆走虎不知畏

已而走以為畏狐也
毗藍園樹

虞胎經云世尊初出胎時於毗藍園裏無憂樹
下周行七步日顧四方一手指天一手指地云
天上天下唯我獨尊
圓頓教至直須爭

琪注圓謂圓滿頓非漸次也教者効也聖人備
下之言詮理化物為義也圓頓之教不假漸次
起入佛境傳曰譬如大子具玉儀之德迦交起
眾鳥之音也勿人情者勿猶眾也一切眾生若

事實三 十五 五

有疑情不交直須明了此非世間之學為生元
事大實非容易故下文明其因果也
南陽國光

忠國師因肅宗帝問如何是十身調御師云檀
越踏毗盧頂上行帝云寡人不會師云莫認自
已清淨法身

不是山僧至斷常坑
琪注此是永嘉自謂也豈是山僧馳逞人我之
心切恐未來之際一切眾生於法門中發心修
行錯悞用心墮落斷常二見此之二見能陷人

故名之為坑如世坑澗也西天九十六種外道
不出此見故法華經云若有若無等依止此諸
見具足六十二即其義也
珠無類

法華經云樂品云文殊師利如轉輪王見諸兵
眾有大功者心甚歡喜以此難信之珠爰在膝
中不妄與人而今與之如來亦復如是於三界
中為大法王以法教化一切眾生見賢聖軍與
五陰魔煩惱魔死魔共戰有大功勳滅三毒出
三界破魔網爾時如來亦大歡喜此法華經能

事實三 十六

令眾生至一切智一切世間多惡難信先所求
說而今說之
非不非至千里

琪注非不非不是者乃明是非之相分明不
可錯亂也非豈不非非乃真非也是豈不是是
乃真是也雖則是非無主不可瞞肝佛性籠統
真如也差之毫釐失之千里者毛中長者曰毫
釐者十釐為一毫若差之毫釐之間則失之千
里萬里故下文深明是非之相也
中心樹子

玄沙云如人賣一片田地四至界畔搵屬汝了也中心樹子猶屬我在

是則龍女至生階墜

琪注龍女善星者明顯是非之相也昔日靈山會上有一龍女獻佛寶珠世尊受之而為說法悟無生忍即往南方無垢世界坐寶蓮花成等正覺号花鮮如來也非則善星生階墜者昔有比丘名曰善星念得十八香象駝經生身活陷地獄謂不見佛性說法返成謗讟故則有所警策也

事實五

十七

吾早年來至尋經論

琪注今欲明無相之功先明有相之理大師小時歷諸講肆聽集天台智者教觀深於經論積學博問也先德云五夏已前精研律部次明論經然後參尋知識史擇死生乃入道之叙也非宿有棄種願力罕能全此從上諸聖莫不皆然遠摩祖師學該三藏尤專定業非不知也後之學者不能及此返為謗說深不可也譬如筌筌在獲魚兔既得魚兔筌筌可忘下文可見也分別名相至徒自困

琪注經論之學豈有過失乃我佛如來金口所說於無量國中乃至名字不可得聞何況得見故知教不迷人人自迷教也古德云看經須具看經眼眼若不明返為名相所眩不窮心地一向多聞所以云縱多學也成貪那箇回頭解自惹玲瑯枉作佗鄉客奔分門風不荷擔譬若入海算沙徒自困尔

前後三三

拓頌文殊問無着近離甚處着云南方文殊云佛法如何住持者云末法比丘小奉戒律文殊

事實五

十八

云多小衆着云或三百或五百着問此問如何住持文殊云凡聖同居龍蛇混雜着云多小衆殊云前三三後三三却放如來至有何益

琪注如來訶責多聞之士雖則多聞不獲修證經云如人數佗寶自無半錢分也既非已寶數至終日雖知數量不得受用於已有何益也所以云譬如終朝說藥而自困於沉痾有若長年問程而不動於跬步得魚忘筌者豈過其士執指為月者實繁有徒即其義也

衣珠無價

法華經云譬如貧窮人往至親友家其家甚大
富具設諸餽饋以無價寶珠繫著內衣裏默與
而捨去時卧不覺知是人既已起遊行詣他國
求衣食自濟資生甚艱難得小便為足更不願
好者不覺內衣裏有無價寶珠

從來踏蹬至風塵客
琪注從來者從無始來也踏蹬者行不進之貌
也虛行者未有地頭而虛行也從無始已來以
至今日經生死嶮道徒自困疲於坦繫路上未

事實三

十九

曾踏實故曰覺虛行也多年枉作風塵客者譬
如世人飄蓬南北千里萬里家鄉轉遠枉作風
塵之客也古德云門前無限路誰是到家人
去日衣衲

孟浩然詩云慈母手中線遊子身上衣臨行密
密縫疑恐遲遲歸

種性邪至圓頓制

琪注謂不歸依三寶之人西竺九十六種外道
依附邪師生諸邪見故云錯知解也不達如來
心地法門故知於無量劫受無量生死甘因邪

師說法也不遇圓頓大乘菩薩所說故論云寧
受地獄苦得聞諸佛名不受無量樂而不聞佛
名以經於往昔無量劫受苦流轉生死中不聞
佛名故不聞佛名者皆遇邪師故也

葉公好畫

史記云葉公者葉所封之地公名子高其性好
龍門閭堂宇悉畫龍像於是天龍聞而下來窺
頭於牖施尾於屋葉公見而驚走失其魂魄夫
葉公非好真龍好似龍也
二乘精進至無智慧

事實三

二十

琪注二乘之人精進修行斷三界見思七返人
天所歷修行法門非不精進也飲寂滅酒卧涇
祭床不起大悲心修利化行接物利生是無遺
心也外道聰明無智慧者西竺外道極有聰明
之士念得四圍陀典籍不明佛性故寒山云世
有多解人愚癡學用文不憂當來果唯知造惡
因見佛不解禮見僧倍生嗔五逆十惡瞋三毒
以為隣死去入地獄未有出頭晨今古聰明之
士為世智所使不信般若亦有之也古德云李
白李斯文占絕二人不遇空王說幾多空負聰

明心到底死生打不徹先聖垂慈如此豈不知有耶

楊朱

祖庭云楊朱泣歧路曰謂其可以南可以北

亦愚麻至生實解

琪注大人無智曰愚少兒無知曰駭空拳指上生實解者愚人少兒於空拳指上妄為實有如以黃葉為錢以為真實如來大師說一大藏教文盡以大悲心於無作妙智隨緣教化或說有法或說空法或說頓漸或說偏圓或說不定以

事實三

二十一

種種名相隨類而各得解也諸小根器隨語自生執着不見佛性猶如空拳指上生實解也下文重與喻出

沙土學圍城

小兒論云孔子行時兒輩以沙作圍城曰車避城耶城避車耶孔子笑而迴車而行

執指為月至虛捏怪

琪注若迷指為月非獨迷月亦乃迷指以認指為月故也經云修多羅教如標月指若復見月了知所標畢竟非月是故學道之人亦復如是

若以教為佛性非獨迷其佛性亦乃迷教以教為佛性故則是在施其功行也是知中下根性若無大乘般若之種性不能入佛知見其所為患者在於根境識十八界法故云根境法中虛捏怪也

見一法至觀自在

琪注此一句乃永嘉大師盡力棧到門前被欠撞足入來也昔有宿德因着法華經至諸法從本來常自寂滅相自喜之常留意體究以至行住坐卧語默動作舉動施為拈匙放筴無不體

事實三

二十二

空者無所得至仲春之月忽一日凭欄開坐聞樹二鶯聲瞥然悟入省前因緣續前頌云諸法從本來常自寂滅相春暖百花紅鷓鴣啼柳上以此觀今古尊宿說話洞曉其旨求師即可凡所應用無有罣礙所謂方得名為觀自在也了即業障至還宿債

琪注了達罪福性空無有罣礙若人發心歸源十方世界悉皆消殞况罪福之相耶所以肇師云五陰身非有四大本來空將頭臨白刃一似斬春風即業障本來空也若不了悟執法不忘

因果之法如形與影假使百千劫所作業不忘
因緣會遇時果報還自受故云未了應須還宿
債也

金銷馬吏

因果經云世尊因時以針刺虱以惡食飼人以
是因緣成道後致此二難事也

凱逢王銘至爭得瘡

琪注四十九年開方便門示真實相所說種種
注門大悲願力接引眾生眾生自是不能悟入
譬如世間飢餓之人遇王者之饌食前方丈水

第廿三

二二二

塗毒鼓

陸畢滿種種美味見之即生怖畏之心而不敢
食又如多病之人忽見盧醫扁鵲醫王必生疑
惑猶豫而於妙藥不能服食則知病不可瘥也
泥桓經云佛告迦葉譬如良醫合和諸藥以塗
其鼓若有眾生聞戰被瘡聞彼鼓聲一切悉愈
唯除命盡及應死者此摩訶行法鼓音聲亦復
如是一切眾生聞其音聲嗔怒癡萌不樂菩提
未發意者犯四隨法及無間罪一切除愈唯除
一闍提輩

在欲行禪至終不壞

琪注欲界而行禪那清淨者以其有般若知見
之力也僧問古德欲界無禪大德云何言有禪
定古德云聞梨祇知欲界無禪自不知禪界無
欲欲知三界皆因一心所有經云滅三毒出三界
破魔網也今文言知見力者心既明見佛性即
一切處皆為佛事何言至欲界故云知見力矣
一傳燈錄云一真之理華野不殊
古德云苦行高僧不出房更無松竹蔭迴廊修
行不必居巖谷滅盡心頭大自涼

第廿三

二二四

若犯重王于今在

琪注過去久遠有一比丘名勇施急於如來禁
戒有所聞犯四重根本之罪欲自清淨即將三
一在錫上高聲唱言我犯重罪誰為我懺如
是唱言至一精舍遇一尊者名曰鼻鞠多羅云
推罪性了不可得勇施比丘豁然大悟十号具
足即往東方世界成正覺号曰寶月如來已
至于今故曰早時成佛于今在也
一說至頑皮粗
琪注諸佛說法圓頓大乘自在無畏猶如師子

乳時無畏自在也故云無畏說也深嘆者深嘆之辭也。像懂者非聰慧也。頑皮者即牛領極。鹿厚皮此喻小乘鈍根。聞於大法不能悟。故發其嘆傷之辭也。

盡執

出耀經云。夫主彩盡好執。盛滿莫穢。牢蓋其口。香花芬薰。告其婦曰。汝甚愛我。可把弄。此瓶猶如我身。其婦隨語。把瓶。弄意不捨。離夫。主見婦愛着此瓶。即便打破。身穢。流溢。蟲蛆。現出。頌史語。婦曰。汝今故能。把此瓶。耶。答我。取死。終不

事實三

二十五

去釘楔

能近此破瓶。夫告曰。汝見此事。耳汝觀我身。劇於此瓶。從頭至足。分別。思惟。三十六物。有何。念是。長蘆云。眼裏抽釘。腦後拔楔。聖解都忘。凡心頓絕。年年春至。百花紅。更有涼風。冬有雪。

戒知犯重三開秘訣

琪注。戒知犯前四種重罪。障於無上涅槃妙心。不能了罪性空故也。然則生死界中。不能出離者。以皆因姪殺。以為根本。沉淪無極。若有大乘種性。雖遇前境。發菩提心。返妄歸真。即能入道。

如善財參見婆須密女。告善財言。我得菩薩解脫名。離貪欲。際隨其世樂。而現其身。若有眾生。暫見於我。暫與我語。暫執我手。則離貪欲。得過往一切佛刹。三昧。又如善財參見無狀足王。無量猛卒。執持眾生。各犯王法。或斬其頭。或斷其手。善財見已。而作是言。云何於此。而欲求法。耶。王告善財。我得菩薩如幻三昧。如我心者。寧於未來無聞。苦惱。終不一念。與一蚊一蟻。而作苦事。况後人耶。故知。若有種性。所遇前境。即能返本。今此二乘。與諸小機。滯於持犯。諸律儀。事法。

事實三

二十六

有二比丘至增罪結

乃不見罪。福性空。明見佛性。是不見如來。開秘訣也。故下文持舉姪殺之相。以明前事。琪注。犯姪殺者。皆根本重罪也。瑩光者。小乘猶如瑩光。不能破暗也。昔有二比丘。山中結庵。修行。堅持淨戒。無有闕犯。一日。一比丘。出一比丘。在庵中。禪定。忽坐睡。因而睡著。為一樵女。偷犯淨戒。乃因心不悅。至同庵。僧歸。具說上事。其僧怒。即投起。樵女。驚怕。墮入深坑。而死。比丘轉加煩惱。一人無心犯姪。一人無心犯殺。此二比丘。皆

無心犯也共往大德優波離尊者處求乞懺悔尊者以小乘結罪時二比丘心疑未決轉生疑惑即往維摩居士處懺悔因陳上事維摩呵云不善觀機說法此二比丘久修大乘何得將大海比於牛跡波離小乘猶如螢火不能破暗故云波離螢光增罪結也

金田

祖庭云黃金宅僧伽藍之總稱也賢愚經云須達長者欲買園造精舍祇陀大子言若能以黃金布地令間無空者便當相與須達言諾謹隨

事實一

二七

其價大子言我戲語爾須達言大子不應妄語便使人象負金出八十頃中須更欲滿殘餘小地須達思惟何藏金足不多不小當取滿之祇陀問言嫌貴置之答言不也自念金藏何者可足當得補滿祇陀念言佛以大德乃使斯人輕寶乃爾教齊且土勿更出金園地屬鄉樹木屬我我自上佛共立精舍

維摩

大士至消霜室
琪注優波離尊者專以小乘事法懺罪不可懺也今維摩大士而以理說性空無相法門窮罪

性了不可得不在內不在外不在中間內外前際不去後際不來中際不住三際推求了不可得時二比丘忽然頓悟了罪性空寂心得決然住無生忍經云若欲懺悔者端坐念實相眾罪如霜露慧日能消除故云猶如赫日消霜雪也

祇園

祖庭云此言勝氏梵土僧伽藍摩此言眾園寺之通稱由祇陀大子園造佛精舍因以為名
靈雲開眼處
靈雲和尚見桃花悟道乃頌曰三十年來尋劍

事實三

二八

客幾迴落葉又抽枝自從一見桃花後直至如今更不疑
不思議至也無極

琪注不思議者不可以心思不可以口識口欲談而辭喪心欲思而慮忘經云假使滿世間皆如舍利弗盡思共度量不能測佛智到此須有悟心方明解脫一乘圓頓法門也既證此法即妙用恆沙之數亦無盡也故云妙用恆沙也無極也

香嚴童子

香嚴童子
光嚴童子

四事供養至亦消得

維摩經云光嚴童子白佛言憶念我昔出歐耶離城時維摩詰方入城我即為作禮而問言居士從何所來答我言吾從道場來我問道場者何所是答曰直心是道場無虛假故乃至善男子菩薩若應諸波羅密教化眾生諸有所作舉足下足當知皆從道場中來住於佛法矣

法華經三

三九

餽驢餵馬

四事者一衣服二卧具三飲食四醫藥也此之四事於諸教中皆須起慚愧之心堪受用之今道人豈止四事而已假使萬兩黃金亦可消餽餽驢餵馬

智度論云菩薩行般若波羅密智慧明利能分別施以大悲心施物雖同福德多小隨心優劣如舍利弗以一鉢飯上佛佛即迴死傷而問舍利弗汝以飯施我我以飯施狗誰得福多舍利弗言如我解佛義佛施狗福多佛曰第一不如施狗以是故知大福從心不在口也如舍利

鉢中感

弗千萬億倍不及佛心所以者何心為內主田是外事故香山語錄云有行者飯僧僧云行者接待不易行去有什麼不易辟如餽驢餵馬

粉骨碎身

佛慧舉僧持鉢到俗士家士去要箇甚物僧士不揀是事得士即將鉢盂盛草與僧師代士捨一得萬倍安樂壽命長

事實三

三十

全

琪注達法之人堪受人天廣大供養也出家之士身雖出家心不染道於諸經論盡言全關應供古德云道德不修衣食斯費即其謂也所言長者不安欲人骨髓合藥即時敲出髓賣與長者所得資金盡其所有買種種花香供養於佛其至誠則可知矣碎身者如釋迦因中捨全身求半偈也我尋過去作波羅門在雲山中修菩薩行無佛出世亦無經法時天帝釋現可怖相而親試驗之為羅刹形而現於前即說半偈諸行無常是生滅法菩薩聞偈心生歡喜即從座起顧視四方寂無所見唯見羅刹即問聖者從何得是半偈此半偈者乃是三世諸佛證道之法羅刹答言我不食來已經七日心謬言爾時

菩薩復語聖者若為我足此偈者我當終身為汝弟子羅刹荅言飢逼實不能說菩薩復語聖者所食何物我所食者唯食腹肉我所飲者唯飲新血菩薩又語聖者若能為我說勝偈我當捨全身供養聖者是時羅刹即說偈言生滅滅已寂滅為樂菩薩聞已即於道樹石壁書此偈竟便上高樹投身而天下未至地羅刹復帝釋形於空接住致於平地懺悔讚歎以是因緣起十二劫在弥勒前成無上道故云一句了然起百億也

事實三

三十一

△

法中王至同共證

珙注王中法王位過百王之上故云法中王也高起三界獨步大方故云最高勝也乃至過去未來現在無量諸佛盡證此也天下老宿盡證此也無量法聚一切義門不出於此經云唯佛與佛乃能知之唯佛者唯釋迦化主也與佛者與十方諸佛也故云非唯一佛二佛三四五佛乃至十方諸佛同證此法故云十方如來同共證也

我今解此至皆相應

珙注唯此心法如世間如意寶珠具諸切用無有窮盡也四祖謂牛頭融禪師去百千法門向歸方寸河沙功德摠在心源一切定門一切慧門一切行門悉皆具足神通妙用並在侏心煩惱業障本來空寂一切果報本來自有無三界可出無菩提可求人與非人性相平等六道虛曠絕思絕慮如是之法你今已得更無欠少與佛無殊更無別法但任心自在莫作觀行亦莫停心莫起貪嗔莫懷愁慮蕩蕩無礙任意縱橫不作諸善不作諸惡行住坐卧觸目遇緣皆

事實三

三十二

了了見至亦無佛是佛之妙用故云信受之者皆相應也

珙注真如界內無生佛之假名平等性中無自他之形相即無物無人無佛也故般若經云善現空空清淨故色清淨色清淨故一切智智清淨何以故若空空清淨若色清淨若一切智智清淨無二無二分無別無斷故故云了了見無一物亦無人亦無佛也

越王任有傾吳策

文記云范蠡南陽人也事越王勾踐既若身擬

力與勾踐深謀二十餘年竟滅吳報會稽之耻
北度兵於淮以臨齊晉号令中國以尊周室勾
踐以霸而范蠡稱上將軍反國范蠡以謂大名
之下難以久居且勾踐為人可與同患難以處
安為善辭勾踐曰臣聞主憂臣辱主辱臣死昔
者君王辱於會稽所以不死為此事也今既以
雪耻且請從會稽之誅勾踐曰孤將與子分國
而有之不然將加誅子范蠡曰君行令臣行意
乃乘舟浮海以行終不返於是勾踐表會稽山
以為范蠡倅邑范蠡浮海出齊變姓名自謂鴼

事實三

三十三

夾子反

驪龍窟

靈寶云日而佛月面佛五帝三皇是何物二十
年來曾苦辛為君幾下蒼龍窟

又古云欲探明月珠須下蒼龍窟

大千沙界至如電拂

琪注三千大千世界在覺性之中猶如水上一
漚亦豈止大千沙界為水上一漚盡十方虛空
在覺性之中猶如水上一漚亦如觀音菩薩所
證圓通云迷妄有虛空依空立世界想澄成圓

主知覺乃眾生空生大覺中如海一漚發故云
大千沙界海中漚也一切聖賢如電拂者猶如
電光石火暫爾無蹤率難捉摸故般若經云內
空清淨故色界眼識界及眼觸眼觸為緣所生
諸受清淨色界乃至眼觸為緣所生諸受清淨
故一切智智清淨故云一切聖賢如電拂也
假使鐵輪至然不失

琪注假使鐵輪頂上旋者傳曰二十八住菩薩
所修行力有一魔王謂菩薩言汝當退位汝若
不退我當飛熱鐵輪旋汝頂上碎汝形體猶如

事實三

三十四

微塵爾時菩薩以定慧圓明不思議力故不失
其位時諸魔來返自退失菩薩定慧而愈增明
故曰定慧圓明終不失矣
日可冷至壞真說

琪注日性本熱寧可說冷月性本冷寧可說熱
固知眾魔不能壞真說也如來說法魔宮振動
邪僮歸依豈能破壞靈言耶所云日可冷月可
熱者大涅槃經云時阿菟婁跋白世尊言月可
熱日可冷佛說四諦不可令異今永嘉用此以
明眾魔不能破壞般若真說也

有盈虧

經律異相云月城廓廣長一千九百六十里其
高亦然儼然方正遠見故圓二分天銀一分瑠
璃內外清徹光明遠照為五風所持月王坐方
二十里七寶宮殿無量天神光明伎樂前後導
從園池等玩如切利天有虧滿缺者一旬行衣
稍稍隱側故見缺減又月城邊有天青色正青
衣服亦青所在之面青光照城故缺減也滿者
月行稍轉向正又青色天十五日轉入月城與
王適會出長阿含經

事實三

三十五

象駕嶠嶠至能拒轍

琪注菩薩所弘通大乘法門衆魔不能為其障
礙譬若象駕嶠嶠而進豈蟾螂小蟲而可拒其
車轍耶昔齊庄公出獵有蟾螂舉足持持其輪
問其御者曰此何蟲也對曰此是蟾螂也庄公
曰而以至微之力而拒大車不量其力也今永
嘉略涉世緣以證出世聖法使令易曉而今法
流沙界教滿龍宮時諸小聖魔衆豈能為障為
礙故曰誰見蟾螂能拒轍也

燬火不停

大象不遊至於小節

莊子云日月出矣燬火不息其於光也不亦難
乎
琪注大乘菩薩所歷境界功德殊勝非人天所
知二乘所涉法門優劣不同欲其易明即以世
間象兔為喻大象所遊唯大路可容非小兔微
運可往故云大象不遊於兔運也夫悟不拘於
小節者見性之人不可以事相檢舉不可以持
犯戒律所拘其作用難以測度如高沙弥不受
戒藥山不看經等故云夫大悟不拘於小節也

事實三

三十六

彈偏折小

維摩經云彈偏折小歎大衆圓

効類

莊子天運篇云師會謂顏淵曰西施病心而顰
其里其里之醜婦見而美之歸亦捧心而顰其
里其里之富人見之堅閉門而不出貧人見之
挈妻子而去之矣

莫將管見至為君決

琪注無上般若唯接上根上器中下之機本難
銘摸是以三界浩浩六道茫茫盡是空生浪死

海變桑田

經古僻如百千蚊蟻在一器中啾啾亂鳴酸腹
狂聞不知大虛之勝達以明諸小根器不能發
菩提之心入大乘境界今永嘉竊恐世人信之
不及護生誹謗猶如愚人掘管窺天以已見之
細微誇蒼天之無際是誰之過歟未了吾今為
君決者此之一句一大藏教詮注不起六代祖
師讚歎有分是知從上諸聖開方便門提掇後
進故一線道略露風規末後一言莫教錯舉

事實三

三十七

東海三為桑田向到蓬萊水乃漫於住者略半
也豈獲將為陵陸乎方平乃曰東海行後揚

塵耳

後序

師之緒餘

莊子讓王篇曰道之真以理身其緒餘以為國
家其土宜以治天下解云緒者纒也謂殘餘也

南明泉和尚頌證道歌事實卷第三

◎南明泉和尚頌證道歌事實

子素信內典而南明泉和尚頌證道歌一部尤所
留心然涉事有根蒂不能無疑越丁未歲出鎮
金城哀集禪侶請瑞龍禪老連公主法點示以樓
蒙冠因得草莽指南於連公藏篋寶之庶欲鏤
板施於學者因循未遑歲茂申按行下韓道魚
任大藏分司私心喜幸然草莽說略未即下刀
因囑幹事比丘天且俾禪伯舉上人能校募工
葉而書之簡善手而鐫之所莫

我晉陽公壽增岳峙福富淵深塞消後大天持
攬槍時和歲稔使祖燈永耀於無窮耳九月上旬

海海真三

三十八

崇

慶尚晉安東道按察副使都官郎中全 光宰誌

第七八冊

五九